

丁甘仁医案



丁氏醫案 卷六

孟河丁澤周甘仁著

長孫濟萬編輯

程門雪 朱振聲
陶可箴 錢乃振 仝參

劉佐彤 宋大仁

喉痧門

風溫疫癘之邪。引動肝胆之火。蘊襲肺胃兩經。發爲喉痧。痧布隱隱。身熱。咽喉腫紅。焮痛。內關白腐。舌苔薄黃。脉象鬱滑而數。天氣通於鼻。地氣通於口。口鼻吸受天地不正之氣。與肺胃蘊伏之熱。薰蒸上中二焦。咽喉爲肺胃之門戶。肺胃有熱。所以咽喉腫痛而內關白腐也。邪勢正在鳴張之際。慮其增劇。經云。風

淫於內治以辛涼此其候也。

淨蟬衣 八分 苦桔梗 一錢

金銀花 三錢 京赤芍 二錢

荊芥穗 八分

甜苦甘草 各六分 連翹壳 三錢

鮮竹葉 三十張 淡豆豉 三錢

輕馬勃 一錢

象貝母 三錢 白茅根 二札

薄荷葉 八分 黑山梔 錢半

炙姜蠶 三錢

痧痧雖布身灼熱不退。咽喉腫痛白腐。脉洪數。舌絳。伏溫化熱。蘊蒸陽明。由氣入榮。銷燦陰液。厥少之火。乘勢上亢。症勢沉重。急宜氣血雙清。而解疫毒。

犀角尖 五分 甘中黃 八分

象貝母 三錢 鮮竹葉 三十張

鮮生地 四錢

苦桔梗 一錢 連翹壳 三錢

茅蘆根 各一兩 生石膏 四錢打

輕馬勃 一錢

黑山梔 錢半 鮮石斛 三錢

粉丹皮 錢半 陳金汁 一兩

杷杷葉露 四兩

痧痧已回。身熱不退。項頸漫腫疼痛。咽喉焮腫。內關白腐。舌薄黃。脉沉數。溫邪伏熱。稽留肺胃兩經。血凝毒滯。肝胆火熾。一波未平。一波又起。殊屬棘手。宜清肺胃之伏熱。解疫癘之蘊毒。



薄荷葉 八分

甘中黃 八分

京赤芍 二錢

鮮竹叶茹 各錢半

京元參 二錢

苦桔梗 一錢

生蒲黃 包三錢

黑山梔 錢半

連翹壳 三錢

炙姜蠶 三錢

淡豆豉 三錢

象貝母 三錢

益母草 三錢

活蘆根 一尺去節

疫癘之邪。不外達而內傳。心肝之火內熾。化火入榮。傷陰劫津。擬犀角地黃合麻杏石甘湯。氣血雙清而解疫毒。

犀角尖 五分

熟石膏 五錢打

金銀花 三錢

活蘆根 一尺去節 鮮生地 四錢

甘中黃 八分

連翹壳 三錢

鮮竹葉 三十張

淨麻黃 四分

苦桔梗 一錢

川貝母 三錢

陳金汁 一兩

光杏仁 三錢

京赤芍 二錢

京元參 二錢

(白喉)

溫邪疫癘。鬱而化火。肺胃被其薰蒸。心肝之火內熾。白喉腐爛。焮痛妨於嚥飲。壯熱煩躁。脉洪數。舌質紅。苔黃。經云。熱淫於內。治以鹹寒。當宜鹹寒解毒。清溫泄熱主治。



犀角尖 四分

甘中黃 八分

連翹壳 三錢

京元參 一錢五分
鮮生地 三錢

淡豆豉 三錢

全搗

京赤芍 一錢五分

大貝母 三錢

天花粉 三錢

薄荷炭 七分

金銀花 三錢

生石膏 三錢打

鮮竹葉 卅張

白茅根 兩札

(紅痧)

吸受時氣。引動伏邪。蘊襲肺胃兩經。肺主皮毛。胃主肌肉。邪留皮毛肌肉之間。則發為紅痧。痧點隱布而不透。形寒發熱。胸悶泛噁。邪鬱陽明。不得外達也。舌苔薄黃。脉象浮滑而數。邪勢正在鳴張。慮其增劇。宜以辛涼清解。

荊芥穗 一錢

赤茯苓 三錢

淨蟬衣 八分

炒竹茹 錢半

淡豆豉 三錢

江枳壳 一錢

連翹壳 三錢

熟牛蒡 二錢

薄荷葉 八分

苦桔梗 一錢

京赤芍 二錢



痧後門

痧後、肺有伏邪。痰氣壅塞。脾有濕熱。不能健運。積濕生水。泛濫橫溢。無處不到。以致面目虛浮。腹膨肢腫。欬嗽氣逆。舌薄膩。脉濡滑。勢成腫脹重症。姑宜肅運分消。順氣化痰。

嫩前胡 錢半

猪苓 三錢

生熟苡仁 各三錢

光杏仁 三錢

大腹皮 二錢

地枯蘿 三錢

全福花 錢半包

清炙枇杷葉 三錢去毛包

象貝母 三錢

廣陳皮 一錢

枯碧竹 錢半

鮮冬瓜皮 一兩煎湯代水

連皮苓 四錢

福澤瀉 三錢

痧後餘邪痰熱未楚。肺胃兩病。身熱無汗。欬嗽氣逆。口乾欲飲。脉數苔黃。此乃無形之伏溫。蘊蒸陽明。有形之痰熱。逗留肺絡。症勢沉重。姑宜清解伏溫。而化痰熱。



粉葛根 錢半

金銀花 三錢

桑葉皮 各二錢

活蘆根 一尺去節 淡豆豉 三錢

連翹壳 三錢

光杏仁 三錢

京赤芍 二錢

黑山梔 錢半

生甘草 八分

象貝母 三錢

鮮竹茹 二錢

天花粉 三錢

薄荷葉 八分

痧後失音。咽喉內關白腐。氣喘鼻煽。喉有痰聲。苔黃脉數。痧火蘊蒸肺胃。肺津不布。凝滯成痰。痰熱留戀肺胃。肺葉已損。氣機不能接續。咽喉為肺胃之門戶。肺胃有熱。所以內關白腐。音聲不揚。會厭肉脫。症勢危篤。勉擬清溫解毒。而化痰熱。勒臨崖之馬。挽既倒之瀾。不過聊盡人工而已。

金銀花 三錢

京元參 三錢

象貝母 三錢

活蘆根 一尺去節 連翹壳 三錢

薄荷葉 八分

天花粉 三錢

淡竹油 一兩沖

甘中黃 八分

京赤芍 二錢

冬桑葉 三錢

大麥冬 二錢

痧子後。肺胃陰傷。伏邪留戀。身熱不退。欬嗽咽痛。口渴欲飲。舌質絳。苔黃。脉象滑數。伏熱蘊蒸肺胃。津液被火煉而為痰。肺失清肅。胃失輸和。咽喉為肺胃之



門戶。肺胃有熱。所以咽痛。今擬竹葉石膏湯加味。清陽明。解蘊熱。助生津。化痰之品。

鮮竹葉 三十張
京元參 三錢
桑葉皮 各三錢
粉丹皮 二錢
熟石膏 四錢打

生甘草 八分
甜杏仁 三錢
金銀花 三錢
鮮石斛 三錢
天花粉 二錢

川象貝 各二錢
通草 八分
活蘆根 一尺去節
枇杷葉露 四兩後入

痧後復感外邪。痰滯內阻。水濕不化。太陰陽明為病。遍體浮腫。氣逆難於平臥。寒熱甚壯。大便溏泄。泛噁不能飲食。苔膩脉數。此氤氳之外邪。與粘膩之痰滯交阻。肺胃。肺氣不能下降。脾弱不能運化。水濕易聚。灌浸腠理。泛濫橫溢。無所不到。三焦決瀆無權。症勢危險。姑宜疎邪分消。而化痰滯。未識有効否。

淡豆豉 三錢
川桂枝 五分
鮮竹茹 二錢 (枳實一錢全炒)
大腹皮 二錢

連皮苓 四錢
象貝母 三錢
淡姜皮 八分
焦查炭 三錢
豬苓 三錢

澤瀉 三錢
仙半夏 二錢
酒炒黃芩 錢半



Faint vertical text columns, likely bleed-through from the reverse side of the page. The text is illegible due to fading and low contrast.



喉痧症治概要

時疫爛喉痧痲正痧風痧紅痧白喉總論

時疫喉痧由來久矣。壬寅春起。寒暖無常。天時不正。屢見盛行。僕臨診二十餘年。於此症略有心得。爰述其大概。與同志一商榷之。凡痧痲種類甚多。有正痧。有風痧。紅痧。惟時疫喉痧爲最重。傳染迅速。沿門闔境。竟有朝發而夕斃。夕發而朝亡者。暴厲天札。殊深浩歎。業是科者。當謹慎而細察。悉心而辨治焉。如幼時初次出痧。謂之正痧。因胎中有伏熱。感時氣而發。寒熱咳嗽。煩悶泛噁。咽喉或痛或不痛。卽有咽痛。亦不腐爛。此正痧之病形也。夏秋時之紅痧風痧。初起時。寒熱骨痛。胸悶嘔噦。舌苔白膩。外熱極重。而裏熱不盛。咽喉不痛。或咳嗽。或不咳嗽。此紅痧風痧之病情也。其病源良由夏受暑濕。秋感涼邪。鬱於太陰陽明。太陰者肺也。陽明者胃也。肺主皮毛。胃主肌肉。邪留皮毛肌肉之間。則發爲

紅痧風痧。凡痧子初發時。必有寒熱咳嗽。胸悶泛噯。骨痛等證。揆厥病因。蓋外邪鬱於腠理。遏於陽明。肺氣不得宣通。胃氣不得泄越也。必用疎散之劑。疎表解鬱。得汗。則痧癘透。而諸症俱解。此治正痧風痧紅痧之大略也。獨稱時疫爛喉。痧痧者。何也。因此症發於夏秋者少。冬春者多。乃冬不藏陽。冬應寒而反溫。春猶寒禁。春應溫而反冷。經所謂非其時而有其氣。釀成疫癘之邪也。邪從口鼻入於肺胃。咽喉爲肺胃之門戶。暴寒束於外。疫毒鬱於內。蒸騰肺胃兩經。厥少之火。乘勢上亢。於是發爲爛喉痧痧。痧與痧略有分別。痧則成片。痧則成顆。其治法與白喉迥然不同。白喉忌表一書。立滋陰清肺湯。原宗仲聖猪膚湯之遺意。由少陰伏熱升騰。吸受疫癘之氣。與內蘊伏熱相應爲患。若至音啞氣喘。肺炎葉腐。危在旦夕間矣。滋陰清肺。尙恐不及。宜加珠黃金汁。或救十中一二。苟與表散。引動伏火。增其炎焰之勢。多致天枉。此時疫喉痧。當與白喉分別清楚。不容稍混也。白喉固宜忌表。而時疫喉痧初起。則不可不速表。故先用汗法。

次用清法。或用下法。須分初中末三層。在氣在營。或氣分多。或營分多。脉象無定。辨之宜確。一有不慎。毫釐千里。初則寒熱煩躁。嘔噦。咽喉腫痛。腐爛。舌苔或白如積粉。或薄膩而黃。脉或浮數。或鬱數。甚則脉沉似伏。此時邪鬱於氣分。速當表散。輕則荊防敗毒。清咽利膈湯。去硝黃。重則麻杏石甘湯。如壯熱口渴煩躁。咽喉腫痛腐爛。舌邊尖紅絳。中有黃苔。痧痧密布。甚則神昏譫語。此時疫邪化火。漸由氣入營。卽當生津清營解毒。佐使疎透。仍望邪從氣分而解。輕則用黑膏湯。鮮石斛。豆豉之類。重則犀鼓湯。犀角地黃湯。必待舌色光紅。或焦糙。痧子布齊。氣分之邪已透。當用大劑清營涼解。不可再行表散。此治時疫喉痧用藥之次第也。假使早用寒涼。則邪遏在內。必至內陷神昏。或泄瀉等症。致成不救。如表散太過。則火炎愈熾。傷津劫液。引動肝風。發爲瘧厥等險象。仍當大劑清營涼解。或可挽回。先哲云。痧痧有汗則生。無汗則死。金鍼度人。二語盡之矣。故此症當表則表之。當清則清之。或用釜底抽薪法。亦急下存陰之意。諺云。救

病如救火。走馬看咽喉。用藥貴乎迅速。萬不可誤時失機。此症有不治難治數條。開列於左。

脉伏者不治。泄瀉不止者不治。會厭腐去。聲啞氣急者不治。始終無汗者難治。痧痧遍體雖見。而頭面不顯者難治。此皆時疫喉痧危險之症。其餘用藥得宜。雖重亦可挽回。此不過言其大略耳。其中變化條目甚多。非數言可盡。請諸君指教。匡我不逮。則幸甚矣。

(時疫喉痧門方)

解肌透痧湯自訂

專治痧癘初起。惡寒發熱。咽喉腫痛。妨於嚥飲。遍體痠痛。煩悶泛噁等症。(痧癘見咳嗽為輕。無咳嗽為重。)

荊芥穗錢半

淨蟬衣八分

嫩射干一錢

生甘草五分

粉葛根二錢

熟牛蒡二錢

輕馬勃八分

苦桔梗一錢

嫩前胡錢半

連翹壳二錢



炙僵蠶 三錢

淡豆豉 三錢

鮮竹茹 二錢

紫背浮萍 三錢

如嘔噁甚、舌白膩、加玉樞丹 四分冲服

加減麻杏甘膏湯 自訂

專治痧癘不透。憎寒發熱。咽喉腫痛。或內關白腐。或咳嗽氣逆之重症。

淨麻黃 四分

熟石膏 四錢打

象貝母 三錢

鮮竹葉 三十張

光杏仁 三錢

嫩射干 八分

炙僵蠶 三錢

白萊菔汁 一兩

生甘草 六分

連翹壳 二錢

薄荷葉 一錢

京元參 錢半

加減升麻葛根湯 自訂

專治痧癘雖佈。而頭面鼻獨無。身熱泄瀉。咽痛不腐之症。

川升麻 五分

生甘草 五分

連翹壳 二錢

炙僵蠶 三錢

粉葛根 錢半

苦桔梗 一錢

金銀花 三錢

乾荷葉 一角

薄荷葉 八分

京赤芍 二錢

淨蟬衣 八分

陳萊菔英 三錢



加減黑膏湯自訂

專治疫邪不達。銷燦陰液。痧痲佈而不透。發熱無汗。咽喉腫紅。焮痛白腐。口渴煩躁。舌紅絳起刺。或舌黑糙無津之重症。

淡豆豉 三錢

薄荷葉 八分

連翹殼 三錢

灸僵蠶 三錢

鮮生地 四錢

熟石膏 四錢

京赤芍 二錢

淨蟬衣 八分

鮮石斛 四錢

生甘草 六分

象貝母 三錢

浮萍草 三錢

鮮竹葉 三十張

茺蘆根 各一兩

涼營清氣湯自訂

專治痧痲雖佈。壯熱煩躁。渴欲冷飲。甚則譫語妄言。咽喉腫痛腐爛。脉洪數。舌紅絳。或黑糙無津之重症。

犀角尖 五分

鮮石斛 八錢

黑山枝 二錢

牡丹皮 二錢

鮮生地 八錢

薄荷葉 八分

川雅連 五分

京赤芍 二錢

京元參 三錢

生石膏 八錢打

生甘草 八分

連翹殼 三錢

鮮竹葉 三十張

茺蘆根 各一兩

金汁 一兩冲服



如痰多加竹瀝一兩冲服、珠黃散 每日服二分

加減滋陰清肺湯自訂

專治疫喉白喉。內外腐爛。身熱苔黃。或舌質紅絳。不可發表之症。

鮮生地 六錢

細木通 八分

薄荷葉 八分

金銀花 三錢

京元參 三錢

川雅連 五分

冬桑葉 三錢

連翹壳 三錢

鮮石斛 四錢

甘中黃 八分

大貝母 三錢

鮮竹葉 三十張

活蘆根 一尺去節

如便閉加生川軍三錢開水泡絞汁冲服

敗毒湯自訂

專治痧癩未曾透足。項頸結成痧毒。腫硬疼痛。身熱無汗之證。

荊芥穗 錢半

薄荷葉 一錢

連翹壳 三錢

生蒲黃 三錢包

熟石膏 四錢打

炒牛蒡 二錢

象貝母 三錢

益母草 三錢

生甘草 六分

京赤芍 三錢

炙僵蠶 三錢

板藍根 錢半

卷六 喉痧正台既要



如大便泄瀉。去牛蒡、石膏、加葛根、黃芩、黃連。此肺胃疫毒。邪熱移於大腸也。如初病泄瀉。可仿喻氏逆流挽舟之法。荊防敗毒加減。如挾食滯。可加查麵之類。亦不可執一而論。

加減竹葉石膏湯自訂

專治痧癘之後。有汗、身熱不退。口乾欲飲。或咽痛蒂墜。咳嗽痰多等症。

青竹葉三十張

桑葉皮各錢半

鮮葦莖一兩去節

熟石膏三錢打

冬瓜子四錢

金銀花三錢

光杏仁三錢

連翹壳三錢

白蘿蔔汁一兩

生甘草六分

象貝母三錢

(吹藥)

玉鑰匙 治一切喉症腫痛白腐。將此藥吹之。能退炎消腫。惟陰虛白喉忌

用。

西瓜霜五錢

西月石五錢

飛硃砂六分

殭蠶五分

冰片五分

金不換 功效尤勝。治疫喉。生肌長肉。

玉鑰匙料加

人中白三錢

青黛三錢

西黃三分

珠粉三分

加味珠黃散

治喉症立能消腫止疼。化毒生肌。

珠粉七分

西黃五分

琥珀七分

西瓜霜一錢

錫類散

治一切喉痧喉疔。腐爛作痛。痰涎甚多。渴飲難下。此散吹入。能豁

痰開肺。去腐生新。

象牙屑四分

壁錢三十個

西黃七厘

冰片五厘

青黛七分

人指甲七厘

珠粉四分

以上吹藥。研細末貯瓶。勿令出氣。

外貼異功散 治喉症腫痛。用太乙膏。上藥少許。貼人迎穴。半日起泡。卽揭去。

斑毛四錢

血竭六分

乳香六分

沒藥六分

全蝎六分

元參六分

麝香三分

冰片三分



斑毛去頭翅足、用糯米拌炒、以米色微黃爲度、除血竭外、合諸藥共研細末、另研血竭、拌勻、磁瓶收貯、勿令出氣。

(痧毒敷藥)

三黃二香散 清火解毒、用菜油調敷。

大黃 二兩 蒲黃 一兩 雄黃 二錢 麝香 三分 冰片 三分

冲和膏 消腫止痛、用陳醋白蜜調、炖溫敷。

紫荊皮 五兩 獨活 三兩 白芷 三兩 赤芍 二兩

紫金錠 即玉樞丹 消腫解毒、用陳酒磨敷。

山慈菇 二兩 川文蛤 (即五倍子) 搥破洗刮內桴 二兩 紅大戟 一兩

當門子 三錢 千金子 二兩

(驗案)

一陳右、年三十餘歲。住紫金橋。患喉痧六天。痧佈隱隱。壯熱、汗洩不多。口渴。



喉腐爛。湯飲難進。數醫不效。舉室徬徨。邀余診治。診其脈洪數。視舌色前半紅絳。中後薄膩而黃。余曰。此溫疫之邪化熱。半以入營傷津。半以蘊蒸氣分。擬清營解毒。清氣達邪之劑。犀角地黃湯。合竹葉石膏湯。加荊芥薄荷。複方治之。數劑而愈。

二王_左年二十歲。本丹陽人。客居滬上。患爛喉痧甚重。痧痧雖佈。壯熱不退。煩躁不寐。湯飲難嚥。且是新婚之後。陰液早傷。疫火充斥。合家老少。焦灼萬分。延余診治。病已七天。診脈弦洪而數。舌紅絳起刺。余曰。此溫疫之邪。化火入營。傷陰劫津。內風欲動。勢將痰湧氣喘。危在旦夕間矣。隨用犀角地黃湯。合竹葉石膏湯。加陳金汁。竹瀝。珠黃散等藥。數日而痊。

三夏_童揚州人。居美租界陳大弄。患時疫喉痧五天。痧痧雖已密佈。獨頭面鼻部俱無。俗云。白鼻痧。最爲兇險。曾經服過疏解藥數帖。壯熱如焚。煩躁譫語。起坐狂妄。如見鬼狀。彼家以爲有祟爲患。余診其脈。實大而數。舌紅唇焦。咽

喉外內關均已腐爛。滴水難嚥。余曰：此疫癘之邪化火。陽明腑熱薰蒸心包。逼亂神明。非鬼祟也。雖頭面部不見痧顯。非升麻葛根可治。隨用犀角地黃湯。合白虎湯。加硝黃之品。一面生津清營。一面釜底抽薪。服後過數時。得大便。即能安睡。次日去硝黃。照原方加金汁、竹油、珠黃散。服數劑。即熱退神清。咽喉腐爛亦去。不數日而告痊矣。

四顧左。年三十餘歲。在滬南開設水菓行。患喉痧七天。寒熱無汗。痧麻佈而隱約。咽喉腫痛。牙關拘緊。甚則語夢如讖。診其脈鬱數不揚。視舌色薄膩而黃。余曰：此疫邪將欲內陷失表之症也。急進麻杏石甘湯。得暢汗。痧麻滿布。熱解神清。咽喉腫紅亦退。數日而安。

五李右。年四十餘歲。南京人。住滬城老北門內。因侍他人之喉痧。而隨傳染。發熱五六天。痧麻布而不勻。咽喉腫痛。牙關拘緊。前數醫意謂此婦素體陰虧。僅用元參、薄荷、桑丹、茅蘆根等。方藥平淡。而咽喉腫閉益甚。喉中痰聲漉漉。

滴水難下。殊屬危急。余診其脈。鬱數不揚。舌不出關。苔薄膩黃。問其便。數日不行。余曰。此溫疫之邪。爲外寒所束。痰熱交阻。膈中壅塞。肺胃之間。危在旦夕。隨投透痧解毒湯。加六神丸、涼膈散、竹瀝、白萊菔汁等。解其表邪。通其腑氣。一日兩劑。服後得汗與便。外以香菜煎水。搯其肌膚。以去外束之寒。次日痧佈。喉關漸開。數日而愈。

六王_右。喉痧一候。痧癘漸佈。咽喉腫痛白腐。身熱。口舌前半淡紅。中後膩黃。脈濡數而滑。胸悶泛噁。煩躁懊懣。閱前方。辛涼清解。尙屬平穩。不過方中有元參、茅蘆根等。據述服後胸悶泛噁。煩躁懊懣。更甚於前。頗覺難以名狀。余曰。此痧癘未曾透足。疫癘之邪。鬱遏肺胃。不得泄越於外。痰滯交阻。中焦濁垢。不得下達之故。仍用透痧解邪。加滌痰導滯之品。如枳實、竹茹、玉樞丹。服二劑。始得痧點透至足心。嘔噁煩躁隨定。熱退。喉腐亦漸漸脫去而愈。但元參、茅蘆根。小小寒涼。不可早用。若大寒大涼之劑。可不慎之又慎乎。

七葉女。住白克路。白喉四天。咽喉左右兩關爛腐。蒂丁亦去其半。身熱不壯。舌質淡紅。中後薄黃。脈象濡數。四日之中。粒米未入。余曰。此疫癘之邪。薰蒸肺胃。心肝之火內熾。用滋陰清肺湯。加川連、通草一劑。咽喉腐爛漸脫。反覺熾痛。余曰。此腐爛雖去。新肉未生。故熾痛也。仍用原方。加花粉、鮮石斛。因未大便。加生川軍三錢。開水泡。絞汁沖服。得大便甚暢。胃熱下行。白喉隨愈。肺與大腸爲表裏。腑熱下達。肺火亦從下降矣。

八葉_右。住澄衷學校。白喉六天。身熱甚壯。咽喉腐爛。湯飲難進。煩悶口渴。連進辛涼清解。毫無應效。意謂此婦。因侍其夫喉痧。而得此疾。深恐其亦出痧癘。未敢驟用滋陰清降。渠發熱更甚。煩躁不安。起坐如狂。甚則譫語妄言。咽喉滿腐。蒂丁去其大半。舌灰黃。唇焦。脈洪數有方。一派炎炎之勢。有瘥厥之象。遂投大劑犀角地黃湯。合竹葉石膏湯。一日夜進四劑。卽熱退神清。咽喉腐爛亦脫。三四日。卽愈。此疫癘之邪。由口鼻而直入肺胃。疫邪化火。由氣入營。

傷津劫液。內風欲動。危險之至。得慶更生。亦可謂幸矣。可見有痧癩而喉不腐者。有之。有喉腐而不出痧癩者。亦有之矣。

九傳左住塘山路。年廿餘歲。患喉痧八天。壯熱無汗。微有畏寒。痧癩隱約。佈而不顯。面色紫暗。咽喉腫腐。滴水難嚥。煩躁泛噁。日夜不安。傅氏數房。僅此一子。老母少妻。哭泣求救。余曰。症雖兇險。正氣未敗。尚可挽回。診其脈鬱數不揚。舌苔膩黃。閱前服之方。竟是滋陰清肺湯等類。隨投透痧解毒湯。加枳實竹茹。一日夜服兩劑。兼刺少商出血。開閉洩火。服藥後。即得暢汗。痧癩漸布。面色轉紅。咽喉腫腐亦減。連進數劑。三四日即愈。喉痧之症。有汗則生。驗之信然。

十劉右年廿歲。住美界靶子路。患喉痧四天。痧癩雖佈。癩色紫暗。發熱煩躁。夢語如譫。咽喉腫腐。不能嚥飲。適值經臨之際。前醫以其熱壯神糊。早投清涼鮮生地。鮮石斛。茅蘆根等。據述即腹中絞痛。少腹結塊。大便溏泄。壯熱即衰。



痧點卽隱。讖語撮空。牙關拘緊。痰多氣粗。邀余往診。其脈空數無神。亦不能視其舌色。余曰。此溫疫之邪。已陷入三陰。血凝毒滯。殘陽欲絕。無藥可救。果於是晚而歿。早投寒涼。百無一生。過用疏散。尙可挽回。益信然矣。

士周童。住中法學堂後面。患喉痧八天。痧雖布而未透足。熱勢不退。喉關腫腐。頸項左右腫硬疼痛。欲成痧毒。加之泄瀉。苔黃脈滑數。頗有內陷之象。擬葛根黃芩黃連湯。服後卽得汗。熱減泄瀉卽止。而痧毒腫硬益甚。喉關腫腐不脫。湯飲難進。用敗毒湯去牛蒡加元參。並外敷藥。痧毒卽消。咽喉腫腐亦去數日而安。

余行道數十年。診治爛喉痧癩之症。不下萬餘。人僅錄十數案於右。汗清下三法。皆在其中。內經云。知其要者。一言而終。不知其要者。流散無窮。信不誣也。

錄慈谿邵琴夫先生喉痧有爛喉白喉之異論

喉痧一證。皆因溫疫之氣。由口鼻吸入。直犯肺胃。流行經絡。蘊而爲患。上竄肺

系（喉名肺系）則腫痛。（外治異功散、外治蒜泥拔毒散、爛喉白喉、皆可按法施治。）外達皮膚、爲痧疹。而醫者治法、或從透解、或從清化、往往有效、有不效。虛實之間、不可不早辨也。試先就爛喉論之。其證多發於冬春之間。良由冬不藏陽、無冰少雪、溫邪爲寒所束。初起形寒頭疼、胸悶鼻塞、噴嚏咳嗽、發熱泛噁。脈來濡細、或現浮洪、渾身痠痛。（火爲寒鬱、邪熱由氣分而達血分。）咽喉赤腫。（或旁見白點亦見之。）宜乘勢表散、取火鬱發之之義。其有頸之兩旁、腫出如甕者、卽俗所謂喉痧袋是也。宜加解毒退腫之品。（姜蠶赤芍、射干、馬勃、生草、貝母、櫻桃核、青線紗線、外用冲和趕毒散、方見外科、研末、用枝桂一錢、附子七分、煎水、入陳酒調塗其上、以手巾圍裹、如嫌乾燥作痛、可入蜂蜜同調、卽潤。）其有顏若渥丹、痧不出肌者、乃風寒外束、皮毛密閉也。亦有餘處皆見面部獨否者、卽俗呼爲白面痧、白鼻痧也。（陽氣從上頭面愈多者吉）總宜發散開達、再加發表透邪之劑。（西河柳、雄豬糞、紫背萍、或麻黃、雄糞、悶痧可用。）

俟其汗暢（是症有汗則生，無汗則死）痧透（粒細而紅，密布無間）邪從外洩。胸悶漸舒。喉痛即輕。倘執內經諸痛屬火，紅腫爲熱，而用苦寒抑遏（清火適以動火）或佐辛涼疎散，以爲雙解之法，必致痧不透達。喉卽腐爛，懸癰白腐。壯熱譫語。肌膚無汗。齒鼻流血。舌縮唇焦。氣促痰升。音啞口噤。驚癇泄瀉。發瘧發厥。邪從內竄。命歸泉路。至於白喉，乃陰虛之體，適值燥氣流行（陰被熱灼）或多食辛辣，過食煎炒，熱伏於胃（陽明有餘，少陰不足）胃失降令，上逼於肺（肺之灼由於胃之蒸）初起脈象浮緊（肺氣虛損未形）發熱（鬱勃之火，全集肺胃）惡寒（火極似水）頭疼背脹，神疲骨楚，喉中或極痛，或微痛，或不痛，而覺介介如梗狀（此時熱毒內盛，氣化不宣）有隨發而白，隨現者，有至二三日而始現者（此症喉中一白，寒熱自除）或白點白條白塊，漸至滿喉皆白，如粉皮樣者（乃肺虛見本象也）此症多見於小兒，想稚年純陽陰氣未足，肺更嬌嫩也。且格外強躁，不令細視者，以心肺相通，肺熱熾甚，心氣

不寧也。治法宜以滋清爲主。若見胸脘脹悶者。佐以掃除其中。洩便閉塞者。佐以開導其下。（客歲楊士章夫人患喉症。誤表增劇。投以養陰清肺湯而痊。於此可見一斑。邵彭壽母甲午秋患喉症。投大承氣湯而愈。此釜底抽薪法也。）則或發痧疹（邪從外泄）或便黏痰（邪從下洩）可冀霍然。昧者妄投辛散。猶天氣旱亢。非雨不潤。煽之以風。則燥更甚。迨肺陰告竭。腎水亦涸。遂令鼻塞音啞。痰壅氣喘。咽乾無涎。白塊自落。鼻孔流血。面脣皆青。惡候叠見。難爲力矣。是故猶是風熱（爛喉白喉總名喉痧）有因風而熱者。風生則火自熄（爛喉所以宜外解也）有因熱而生風者。熱退則風自滅（白爛所以宜內清也）古人治法。一則曰升陽散火。一則曰滋陰降火。豈兩端其說。以生後人疑竇哉。外因內因。不容混也。

琴夫茂才邵大年先生之孫。痧痘聖手也。悉心醫學。無微不至。在滬時常與余討論。良深佩服。今讀白喉爛喉論。分浙應表忌表各治法。實爲當世良醫。

洵爲後起之秀。滬地人烟稠密，蘊鬱之氣必甚，非比北地亢燥之氣，故患爛喉多而白喉少。若將白喉之方以治爛喉，貽害非淺。至於果患白喉，理應清潤，臨診亦不可不察耳。倘邵君在滬，定能挽回陋習。滬地人命，決不遭如此大劫也。

滬濱聾道人張驥雲評

琴夫先生論喉痧應表。有汗則生，白喉忌表。誤表則危之說，確切病情。洵醫家不易良箴。余讀其論，如見其人。誠兒科中之妙手也。謹錄之，爲後學之津梁。

孟河思補山房丁甘仁識

錄元和金保三先生爛喉痧輯要說

爛喉痧。至危之症也。寒暖非時，染成厲毒。一鄉傳染相同，卽是天行之瘟疫也。與尋常咽喉通行痧疹，俱迥然不同。道光丙戌已酉兩年，吳下大盛。余親友患者甚衆。醫者不能深察，雜用寒涼，目擊死亡者夥矣。良由冬不藏陽，無冰少雪。溫邪爲寒所束，若乘勢表散，邪從暢汗者得生，否則無有不殞命者。予亦患

此症賴陳君莘田重爲表汗始得痧透而痊。由是潛究喉科痧症諸書頗自致疑。後得經驗闡解一編不著撰人姓氏寥寥數頁要言不煩。痧痧治法另闢一途。足補喉科之未備。余於此症固已深知灼見矣。因考古證今刪增闡解原文。備採要法。著爲此編。非逞臆說也。實以閱歷有年方知此症重在發表不在治喉。其喉科自有全書毋庸夾雜。若乃此症四時皆有隨時活變。總之暢汗爲第一義也。

葉天士先生爛喉痧醫案

雍正癸丑年間以來有爛喉痧一症發於冬春之際不分老幼遍相傳染發則壯熱煩渴。癍密肌紅。宛如綿紋。咽喉疼痛腫爛。一團火熱內熾。醫家見其火熱甚也。投以犀、羚、芩、連、梔、膏之類。輒至隱伏昏閉。或喉爛廢食。延挨不治。或便瀉內陷。轉眼凶危。醫者束手。病家委之於命。孰知初起之時。頻進解肌散表。溫毒外達。多有生者。內經所謂微者逆之。甚者從之。火熱之甚。寒涼強遏。多致不救。



良可慨也。

喉痧應表。如不透表。必致變端。讀此案可知。凡遇爛喉。疝痧。以得暢汗爲第壹要義。 甘仁識

錄爛喉疝痧經驗闡解

近年喉痧一症。日甚一日。且多殞命者。其故何也。祇緣舍本求末。重於咽喉。忽於痧子。早進寒涼。遏伏厲邪之故耳。蓋天有六氣。俱能生殺萬物。凡疾風暴雨。酷暑嚴寒。四時不正之氣。卽爲厲氣。人若感之。便能爲害。邇年天道南行。冬不藏陽。每多溫煖。及至春令。反有暴寒折伏。皆爲非時不正之厲氣。感觸者。蘊釀成病。所以其症發必一方。長幼男女相似。互爲傳染。與癘疫同。稟氣旺者。雖感重邪。其發亦輕。稟氣弱者。卽感微邪。其發亦重。夫人肺主一身之氣。肺主皮毛。脾主肌肉。肺開竅于喉。鼻氣通於天氣。受邪之時。從口鼻入於肺脾。而出於肌表。當厲毒發作之時。熱淫之氣。浮越於肺之經隧。所以必現咽喉腫痛。鼻塞。

噴嚏、咳嗽、胸悶、嘔噎、渾身痠痛等形。此非厲邪痧子爲本。咽喉咳嗽等形爲末。今醫不究其受病之因。乃執內經諸痛屬火。紅腫爲熱。急進寒涼。甚至用犀羚、石膏、金汁、黃連等味。稍兼辛涼表散。以爲雙解之法。體質強旺者。幸藉元氣充足。或以敵邪致愈。稟單弱者。卽變音啞喉腐。氣促腹瀉。齒鼻流血。舌縮唇焦。膚乾無汗。發厥口噤。種種險候。醫家見之。猶曰病重藥輕。更以寒涼倍進。必致痧毒內陷。燔灼愈騰。喉閉痰升。命歸泉路。要知頭面紅腫焮赤。正痧毒外達之勢。當此之時。需進表散開達之劑。寒涼清解等藥。一味不可兼雜。使其痧從汗透。則其毒自然不留。其毒既洩。咽喉豈有不愈。所以先賢諸敗毒散中。皆用表散。亦同此意命名也。余非業醫者。因從前子女慘遭其害。爰是潛心醫學。研究歲運司天。數年以來。稍悟一斑。凡有親友患此症者。商治於余。皆以表散開達爲主。直待痧回腫退。鼻有清涕。遍身作癩脫皮。方進涼血清解之味。靡不應手速效。近見蘇杭此症盛行。殞命者不少。予仰體上蒼好生之德。敢將一得管見。



佈告四方。並非立異。忌能炫玉求售。惟冀醫林高士。藥業仁人。鑒余微忱。勿加訕詈。則患者幸甚。余亦幸甚。

此論透達。佚其姓字。誠高尚士也。所論痧症發表清解等法。頭頭是道。於此症經驗宏富。已見一斑。滬上有某醫。以喉科著名。遇喉症。無論喉痧白喉。概以銀翹金鎖匙掛金燈等品。混統治之。更加石斛沙參。吾不知其依據何法。若見此論。問心能無愧乎。

甘仁識

(論症)

一凡形寒壯熱。咽喉腫痛。頭痛咳嗽胸悶。鼻塞嘔噦。兩目汪汪。手足指冷。脈來濡數。或見浮數。此卽厲邪痧症。需進後方荊防葛根湯。兩三劑。俟其暢汗。痧點透至足心。舌有楊梅刺。方進辛涼清解之味。總之痧慎於始。若有一毫胸悶未清。便是痧症未透。不可早進寒涼遏伏。以致不治。

一凡痧症欲出未出之時。宜早爲發散。以解其毒。則無餘患。若不預解。使之盡

出。或早投寒涼。遏伏。多致毒蓄於中。或爲壯熱。日久枯瘁。或成驚癇。或爲瀉痢。或爲瀉痢腐爛。咳血喘促。或作浮腫疔蝕而死。此雖一時戾氣之染。然未有不由於人事之未盡也。

一凡痧疹逡巡不出者。乃風寒外束。皮膚閉塞也。宜荊防葛根湯主之。外用芫荽酒。苧麻蘘酒運之。恐露體冒風。可不必用。

咽喉如有腫痛腐爛者。宜用玉鑰匙散頻頻吹之。

一凡形寒發熱。面若裝硃。痧不出肌。卽現上吐下瀉。腹痛如絞。甚至發厥。口噤。目閉神昏。此乃內挾濕滯。痧穢。外感戾毒。暴寒折伏。表裏爲病。陰陽不通。最屬危候。每至朝發夕死。不能過兩三日。若投寒涼。清解。有如操刀急進。藿香正氣散。如煨葛根。牛蒡子。蟬衣。焦麩等味。一兩劑得暢汗。吐瀉厥止痛停。痧得熾赤。俟過三日。庶無妨礙。但此症吐瀉之後。津液大傷。必然發渴。思冷。切勿與吞冷水。甘蔗。水梨。一切寒涼之物。切忌。切忌。

一凡熱邪壅於肺。逆傳於包絡。痧疹不得出。或已出而復沒者。乃風寒所遏而然。若不早治。毒必內攻。以致喘急音啞而死。急用升麻葛根湯。加荊芥。牛蒡子。桔梗。蟬退。櫻桃核。浮萍草。枇杷葉等煎服。外用芫荽酒。苧麻蘸酒運之。痧疹復出。喘定。乃可無虞。倘體質單弱者。不能透達。需用透邪煎。或柴歸飲發之。如進二湯。仍不熾赤者。急進託裏舉癍湯。

一凡痧症只怕不能出。若出得暢。盡其毒便解。故治痧症者。貴慎於始。發熱之時。當察時令寒熱。酌而治之。倘時令嚴寒。卽桂枝葛根湯。或麻黃湯。俱可用。勿拘辛溫遲疑。二湯內俱加入牛蒡子。蟬衣。桔梗。發之。如果熱火充熾。稍加生石膏三四錢。亦可。倘時令平和。以荊防葛根湯。加浮萍草。發之。務使發得透暢。莫使其絲毫逗留。以致生變纏綿。痧後切忌大量海鮮。酸鹹。滯辣之物。以杜後患。切囑。

一凡服表散之劑。必得汗至足。心。疝。痧。透。咽痛止。胸悶舒。方無餘邪。若有痧汗。

少或痧現卽隱。症勢最險。或痧後重感風邪。或食新鮮發物。必有餘毒爲患。俗稱痧尾是也。痧膨、痧癩、痧癆、內外諸症百出。慎之。

一凡服事之人。最爲要緊。必須老成可靠者。終日終夜。不得倦怠。人不可脫離。以被緊蓋。出汗後。不可使露。致汗不暢。若任性貪涼。雖方藥中病。亦難奏效。蓋痧邪當發出之時。病人每悶不可耐。稍一反側於被內。使露以爲適意。痧點卽隱。毒從內陷。適意卽速死之道也。

一凡痧多屬於肺。陽氣從上。頭面愈多者爲吉。若餘處見。而面部不見者。名白面痧。白鼻痧。症最重。必多用升發之劑。至於疔多屬於脾。隱在皮膚之間。或成塊如雲頭而突。多起於手足身背之上。發則多癢。或麻木。是兼濕痰之故。藥宜佐以滲濕祛痰。有先見疔。後見痧。亦有疔而不痧。痧而不疔。亦有喉腐不見疔痧者。表汗則一也。

一凡喉痧由來已久。綱目云。天行喉痧。一鄉相似。屬運氣之邪火。或寒藥下之。

酸藥點之。鬱其邪於內。不得出也。正傳云。火性急速。發必暴悍。必以從治之法。甘、桔、荊、防。加以溫藥爲導。徐徐頻與。不可頓服。切不可驟用寒涼之藥。繆仲醇曰。痧症不宜依症施治。惟當治肺。使痧症發出。則了無餘蘊矣。

一凡神昏讖語。惟當透肺邪。不宜用寒涼。即使痧回脫皮。舌紅脣燥。餘火熾盛。只須輕清洩肺爲主。是集後。方藥中所不載者。明眼人當深知意。

一凡咽喉閉。毒氣歸心。胸前腫滿。氣喘促。下部洞泄不止者。死。若初起咽腐。嘔吐清水。神昏讖語。目光上竄。脈濇伏。痰聲如鋸者。不治。又三四日內。津涸舌光。脣齒焦黑。鼻煽口張。目無神者。亦不治。

此以上所論。專爲治痧痧爛喉之症。凡遇白喉。一味不可用也。臨證之際。須細辨之。

(要方備查)

荊防葛根湯

葛根 錢半(或一錢) 牛蒡子 三錢

桔梗 錢半

荊芥 錢半

杏仁 去皮尖(便溏者勿研) 三錢

枳壳 一錢

生甘草 四分

土貝 三錢去心研

炒防風 錢半

加浮萍草 三錢

防風

荊芥 不炒亦可

升麻葛根湯 痧點隱隱不透者用之

升麻 五分

葛根 錢半

赤芍 錢半

荊芥 錢半

牛蒡 三錢

桔梗 一錢

蟬衣 一錢

櫻桃核 三錢

浮萍草 二錢

生甘草 四分

託裏舉斑湯

升麻 一錢見點後不可用

柴胡 五分

歸身 五分瀉者勿用

赤芍 一錢

酒炒浮萍 三錢

水炙甘草 五分

原方白芷 一錢

製山甲 一錢

當酌用之、蟬衣、牛蒡、荊芥、象貝、隨症可加、惟便溏泄

者、去牛蒡為是

透邪煎

柴歸飲與此相同加柴胡



防風 荊芥 升麻 炙草 蟬衣 牛蒡 歸身 赤芍

藿香正氣散 茅朮川朴濕重舌白膩者用

蘇葉 藿梗 桔梗 陳皮 製茅朮 厚朴 生甘草 牛蒡 茯苓 焦

神麩 半夏麩 煨葛根

申字漱喉散

元明粉 七兩 雄黃 二錢

右研細末、用二三錢、調入蘿蔔汁、燉溫一大碗、以毛筆蘸汁洗掃之、或漱喉、吐去老痰、如有杜牛膝打汁調和、更妙、但不可多嚥、防作瀉、

辰字探吐方

治牙關緊閉、吐藥之最靈者、真胆礬三錢、卽石胆也、冬月用青魚胆、拌陰乾、研極細末、水調送下、此藥入口、無有不嘔者、一切喉腫乳蛾、吐出頑痰立鬆、如無青魚胆製者、亦可用、



一字散

猪牙皂角

七錢

雄黃

二錢

生礬藜蘆各一錢

蝎尾

七枚

右爲末吹少許入鼻卽吐痰皂角搗爛一味醋調入喉四五匙亦吐

刺法

少商穴在大指內側之端去爪甲壳如韭菜許左右同以針刺出血治喉閉
委中穴在膝蓋對後大小腿交界縫中治同上

急治法

凡喉症初起一日內頭頂有紅點一粒急將銀針挑破擠出毒血用姜水蘸桐油擦之若過一週時此點卽隱

丁氏醫案 卷七

孟河丁澤周甘仁著

長孫濟萬編輯

程門雪 朱振聲
陶可箴 錢乃振 仝參

劉佐彤 宋大仁

痺症門

楊右

手足痺痛微腫。按之則痛更劇。手不能招舉。足不能步履。已延兩月餘。

脈弦小而數。舌邊紅。苔膩黃。小溲短少。大便燥結。體豐之質。多濕多痰。性情躁急。多鬱多火。外風引動內風。挾素蘊之濕痰入絡。絡熱血瘀不通。不通則痛。書云。陽氣多。陰氣少。則為熱痺。此症是也。專清絡熱為主。熱清則風自熄。風靜則



痛可止。

羚羊片 一錢先煎 鮮石斛 三錢

嫩白薇 錢半

生赤芍 二錢

生甘草 五分

菟蔚子 三錢

鮮竹茹 二錢

絲瓜絡 二錢

忍冬苳 四錢

夜交苳 四錢

嫩桑枝 四錢

大地龍 二錢酒洗

覆診

前清絡熱已服十劑。手足痺痛十去六七。腫勢亦退。風靜火平也。惟手足未能舉動。舌質光紅。脉數漸緩。口乾欲飲。小溲短少。腑行燥結。血不養筋。津液既不能上承。又無以下潤也。前方獲効。毋庸更張。

原方去大地龍加天花粉 三錢

又服十劑。痺痛已止。惟手足乏力。去羚羊片。白薇。鮮石斛。加紫丹參 二錢。

全當歸 三錢 西秦艽 錢半 懷牛膝 二錢

嚴右

腰髀痺痛。連及胯腹。痛甚則泛噁清涎。納穀減少。難於轉側。腰為少陰之府。髀為太陽之經。胯腹為厥陰之界。產後血虛。風寒濕乘隙入太陽。少陰。厥



陰之絡。榮衛痺塞不通。厥氣上逆。挾痰濕阻於中焦。胃失下順之旨。脈象尺部沉細。寸關弦澹。苔薄膩。書云。風勝爲行痺。寒勝爲痛痺。濕勝爲着痺。痛爲寒痛。寒鬱濕着。顯然可見。恙延兩月之久。前師謂肝氣入絡者。又謂血不養筋者。理亦近是。究未能審其致病之源。鄙擬獨活寄生湯。合吳茱萸湯加味。溫經達邪。洩肝化飲。

紫丹參 二錢

雲茯苓 三錢

全當歸 二錢

大白芍 錢半

川桂枝 六分

青防風 一錢

厚杜仲 二錢

懷牛膝 二錢

熟附片 一錢

北細辛 三分

仙半夏 三錢

淡吳萸 五分

川獨活 一錢

桑寄生 二錢

服藥五劑。腰髀胯腹痺痛大減。泛噁亦止。惟六日未更衣。穀食無味。去細辛、半夏、加砂仁 七分、半硫丸 錢半、吞服。又服兩劑。腑氣已通。穀食亦香。去半硫丸、吳萸、加生白朮 錢半、生黃芪 三錢。服十劑。諸恙均愈。得以全功。足見對症用藥。其效必速。孫濟萬誌。

汪翁 腰痛偏左如折。起坐不得。痛甚則四肢震動。形瘦骨立。食少神疲。延一月餘。診脈虛弦而浮。浮爲風象。弦爲肝旺。七秩之年。氣血必虛。竹紋之時。電風入腎。氣虛不能托邪外出。血虛無以流通脈絡。故腰痛若此之甚也。拙擬大劑玉屏風。改散爲飲。

生黃芪 五錢

青防風 五錢

生白朮 三錢

生甘草 六分

全當歸 二錢

大白芍 二錢

厚杜仲 三錢

廣木香 五分

陳廣皮 一錢

此方服後。一劑知。二劑已。方中木香陳皮二味。止痛須理氣之意也。孫濟萬誌。

黃左 髀部痺痛。連及腿足。不能步履。有似痿躄之狀。已延兩月之久。痿躄不能。痛則爲痺。脈左弦滑。右濡滑。風寒濕三氣雜至。合而爲痺。痺者閉也。氣血不能流通所致。擬蠲痺湯加減。溫榮去風。化濕通絡。

全當歸 二錢

大白芍 錢半

桂枝 六分

清炙草 六分

紫丹參 二錢

雲茯苓 三錢

秦艽 二錢

牛膝 二錢

獨活 一錢

海風朮 三錢

防己 二錢

玄胡索 一錢

嫩桑枝 三錢

陳木瓜 錢半

李左

鶴膝風生於右膝蓋大如斗許漫腫疼痛足踝亦浮腫而不能移動寒熱早輕暮重口渴舌灰糙脈弦小而數針砭藥餌遍嘗無效已延兩月之久痛苦不堪名狀良由氣血兩虧風化為火寒化為熱濕鬱釀痰稽留經絡之間榮衛凝滯不通不通則痛熱勝則縱濕勝則腫陰愈傷而熱愈熾氣益虛而邪益錮經云邪之所湊其氣必虛旨哉此言今擬益氣去邪清熱通絡冀望痛止腫退為第一要着

生黃芪 五錢

鮮石斛 五錢

菴蔚子 三錢

京赤芍 三錢

忍冬朮 三錢

木防己 三錢

肥知母 錢半

天花粉 三錢

淮牛膝 三錢

六一散 三錢包

嫩桑枝 四錢

大地龍 二錢酒洗

此症服兩劑痛大減十劑後腫漸消去地龍加紫丹參二錢西秦艽二錢又



服十劑。痛止腫消。不過未能步履。去石斛、花粉、知母、六一散、加炙鱉甲四錢。

生苡仁四錢、陳木瓜錢半、松節二錢。又服十劑。得以全功。家祖治鶴膝風。用

陽和湯治瘰者甚多。而此症獨甘寒清化。可見病情變化。不能執一也。孫濟

萬誌。

風為陰之陽。中人最速。其性善走。竄入經絡。故肢節作疼。今見上下左右無定。名曰行痺。脉弦細而濇。陰分素虧。邪風乘虛入絡。榮衛不能流通。當宜和榮去風。化濕通絡。

全當歸二錢

大川芎八分

威靈仙錢半

嫩桑枝四錢

大白芍二錢

晚蠶沙三錢包

海風藤三錢

西秦艸二錢

青防風二錢

甘草八分

風寒濕三氣雜至。合而為痺。風勝為行痺。寒勝為痛痺。濕勝為着痺。髀骨痠痛。入夜尤甚。亦痺之類。脉象沉細而濇。肝脾腎三陰不足。風寒濕三氣入絡。與宿瘀留戀。所以痠痛。入夜尤甚也。擬獨活寄生湯加味。



全當歸二錢 西秦艽二錢 厚杜仲三錢 雲茯苓三錢 大白芍二錢

青防風一錢 川獨活一錢 五茄皮三錢 紫丹參二錢 川桂枝四分

桑寄生三錢 嫩桑枝四錢 炙甘草五分 小活絡丹一粒入煎

淮牛膝二錢

足跟疼痛。不便步履。足跟乃腎脉發源之地。肝經所過之路。肝腎兩虧。經脉失於榮養。肝主筋。腎主骨。當宜培養肝腎。和榮通絡。

中生地三錢 厚杜仲三錢 炒淮牛膝二錢 嫩桑枝四錢 白歸身二錢

川斷肉三錢 甘杞子三錢 潼蒺藜三錢 大白芍二錢 杜狗脊三錢

六味地黃丸三錢包煎

脉滑而有力。舌苔薄膩。骨痛徹背。夜寐不安。此乃痰濁積于胸中。橫竄絡道。胸為清陽之府。如離照當空。不受纖翳。濁陰上潛。清陽被蒙。膈中之氣窒塞不宣。症屬纏綿。當宜金匱瓜蒌薤白半夏湯加味。辛開苦降。滑利氣機。



瓜蒌皮四錢 仙半夏二錢 雲茯苓三錢 薤白頭錢半 酒炒 江枳壳一錢

廣陳皮一錢 潼蒺藜三錢 廣鬱金錢半

左肩髀疼痛已久。連投去風之劑。依然如故。經云。邪之所湊。其氣必虛。氣陰兩虧。痰濕留戀經絡。榮衛不能流通。擬玉屏風散加味。益氣養陰。化痰通絡。

生黃芪三錢 細生地三錢 西秦艽二錢 竹歷半夏二錢 青防風二錢

甘菊花三錢 廣陳皮一錢 炒竹茹二錢 生白朮二錢 京元參二錢

煨木香八分 嫩桑枝四錢 大地龍二錢 酒洗 指迷茯苓丸三錢 包煎

錢左 初起寒熱。繼則臍腹膨脹。右臂部痠痛。連及腿足。不能舉動。小溲短赤。腑行燥結。舌苔膩黃。脉象濡滑而數。伏邪濕熱挾滯。互阻膜原。樞機不和。則生寒熱。厥陰橫逆。脾失健運。陽明通降失司。則生臌脹。痺痛由於風濕。經絡之病。連及藏腑。彌生枝節。姑宜健運分消。化濕通絡。冀其應手為幸。

清水豆卷四錢 茯苓皮四錢 枳實炭一錢 嫩白薇一錢五分 冬瓜子三錢



通草 八分
全瓜蒌 四錢切
郁李仁 三錢研
西秦艽 一錢五分
大麻仁 四錢研

木防已 二錢
肥知母 二錢
地枯蘿 三錢

二診 腑氣通。臍腹脹勢亦減。納少。渴不多飲。小溲短赤。右背部痺痛。連及腿足。不便步履。苔薄膩黃。脉象濡數。陰液本虧。濕熱氣滯互阻膜原之間。肝失疎泄。脾失健運。絡中風濕留戀。榮衛不得流通。還慮纏綿增劇。再宜健運分消。化濕通絡。

清水豆卷 三錢
連皮苓 四錢
枳實炭 一錢
益元散 三錢包
天花粉 二錢

猪苓 二錢
陳廣皮 一錢
西秦艽 二錢
生熟苡仁 各三錢

通草 八分
大腹皮 三錢
地枯蘿 三錢
小溫中丸 錢半
冬瓜皮 三錢

三診 腑氣通而溘薄。臍腹脹勢已能漸消。小溲亦利。右髀部漫腫。痺痛大輕。但不便步履耳。脉象虛弦而數。舌邊紅。苔薄膩。陰分本虧。肝脾氣滯。蘊濕濁氣。凝聚膜原。絡中痰瘀未楚。榮衛不能流通。效不更方。仍宗原意出入。



川石斛 三錢

西秦艸 二錢

地枯蘿 三錢

冬瓜子 三錢

連皮苓 四錢

陳廣皮 一錢

木防己 二錢

川牛膝 二錢

生白朮 一錢五分
大腹皮 二錢

藏紅花 八分

炒苡仁 三錢

嫩桑枝 三錢



痿症門

封右 溫病後。陰液已傷。虛火燦金。肺熱葉焦。則生痿躄。兩足不能任地。咳嗽咯痰不爽。穀食減少。咽喉乾燥。脈濡滑而數。舌質紅苔黃。延經數月。恙根已深。姑宜養肺陰。清陽明。下病治上。乃古之成法。

南沙參 三錢

川石斛 三錢

天花粉 三錢

生甘草 五分

川貝母 三錢

肥知母 錢半

瓜蒌皮 三錢

甜光杏 三錢

絡石籐 三錢

懷牛膝 二錢

嫩桑枝 三錢

冬瓜子 三錢

活蘆根 一尺去節

二診 前進養肺陰清陽明之劑。已服十帖。咳嗽內熱均見輕減。兩足痿軟不能任地。痿者萎也。如草木之萎。無雨露以灌溉。欲草木之榮茂。必得雨露之濡潤。欲兩足之不痿。必賴肺液以輸佈。能下陰於肝腎。肝得血則筋舒。腎得養則骨強。陰血充足。絡熱自清。治痿獨取陽明。清陽明之熱。滋肺金之陰。以陽明能

主潤宗筋、而流利機關也。

大麥冬 二錢

北沙參 三錢

抱茯神 三錢

淮山藥 三錢

細生地 四錢

肥知母 錢半

川貝母 二錢

天花粉 三錢

絡石籐 二錢

懷牛膝 二錢

嫩桑枝 三錢

三診 五臟之熱皆能成痿。書有五痿之稱。不獨肺熱葉焦也。然而雖有五實。則有二熱痿也。溼痿也。如草木久無雨露則萎。草木久被濕遏亦萎。兩足痿躄亦猶是也。今脈濡數。舌質紅絳。此熱痿也。叠進清陽明滋肺陰以來。兩足雖不能步履。已能自行舉起之象。藥病尚覺合宜。仍守原法。加入益精養血之品。徐圖功效。

北沙參 三錢

大麥冬 二錢

茯神 三錢

懷山藥 三錢

川石斛 三錢

小生地 三錢

肥知母 錢半

懷牛膝 二錢

絡石籐 三錢

菟蔚子 三錢

嫩桑枝 三錢

猪脊髓 兩條 酒洗入煎

虎潛丸 三錢 清晝淡鹽湯送服



程左 初病脚氣浮腫。繼則腫雖消。而痿軟不能步履。舌淡白。脈濡緩。穀食衰少。此濕邪由外入內。由肌肉而入筋絡。絡脈壅塞。氣血凝滯。此濕痿也。經云。濕熱不攘。大筋軟短。小筋弛長。軟短為拘。弛長為痿。是也。濕性粘膩。最為纏綿。治宜崇土逐濕。去瘀通絡。

連皮苓 四錢

福澤瀉 錢半

木防己 三錢

全當歸 二錢

白朮 錢半

蒼朮 一錢

陳皮 一錢

川牛膝 二錢

杜紅花 八分

生苡仁 四錢

陳木瓜 三錢

西秦艽 錢半

紫丹參 二錢

嫩桑枝 三錢

另茅山蒼朮一斤、米泔水浸七日、飯鍋上蒸九次、晒乾、研細末、加苡米半斤、酒炒桑枝半斤、煎湯泛丸、每服三錢、空心開水吞下、

此方服五十餘劑、丸藥兩料、漸漸而痊、

李左

兩足痿軟。不便步履。按脉尺弱寸關弦數。此乃肺腎陰虧。絡有蘊熱。經所謂肺熱葉焦。則生痿躄是也。陽明為十二經脉之長。治痿獨取陽明者。以陽

明主潤宗筋。宗筋主束骨而利機關也。症勢纏綿。非易速痊。

南北沙參 各錢半

鮮生地 三錢

川黃柏 錢半

絲瓜絡 二錢

川石斛 三錢

生苡仁 三錢

肥知母 錢半

大麥冬 三錢

陳木瓜 二錢

絡石藤 三錢

虎潛丸 三錢包煎

家祖行道數十載。治痿不下百數十案。以淺見而論。祇有熱痿濕痿兩端。故

所錄祇此。 孫濟萬誌。



消渴門

尹左

診脉左三部弦數。右三部滑數。太谿細弱。跌陽濡數。見症飲食不充。肌膚神疲乏力。虛里穴動。自汗盜汗。頭眩眼花。皆由陰液虧耗。不能涵木。肝陽上僭。心神不得安寧。虛陽逼津液而外泄。則多汗。消灼胃陰。則消穀。頭面烘熱。汗後畏冷。營虛失於內守。衛虛失於外護。故也。脉數不減。頗慮延成消症。姑擬養肺陰以柔肝木。清胃陽而寧心神。俾得陰平陽秘。水升火降。方能漸入佳境。

大生地 四錢

抱茯神 三錢

潼蒺藜 三錢

川貝母 二錢

浮小麥 四錢

生白芍 錢半

左牡蠣 四錢

熟女貞 三錢

天花粉 三錢

肥玉竹 三錢

花龍骨 三錢

冬蟲夏草 二錢

五味子 三分

二診 心為君主之官。肝為將軍之官。曲運勞乎心。謀慮勞乎肝。心肝之陰既傷。心肝之陽上亢。消灼胃陰。胃熱熾盛。飲食入胃。不生津液。既不能灌溉於五



臟又不能輸運於筋骨。是以飲食如常。足膝軟弱。汗爲心之液。心陽逼津液而外泄則多汗。陰不斂陽。陽升於上則頭部眩暈。面部烘熱。且又心悸。胃之大絡名虛里。虛里穴動。胃虛故也。脉象左三部弦數。右三部滑數。太谿細弱。跌陽濡數。唇紅舌光。微有苔意。一派陰液虧耗。虛火上炎之象。此所謂獨陽不生。獨陰不長也。必須地氣上升。天氣始得下降。今擬滋養肺陰。以柔肝木。蒸騰腎氣。而安心神。務使陰陽和協。庶成既濟之象。

北沙參 三錢

抱茯神 三錢

五味子 三分

肥玉竹 三錢

天麥冬 各二錢

左牡蠣 四錢

生白芍 二錢

川貝母 二錢

大生地 四錢

花龍骨 三錢

潼蒺藜 三錢

製黃精 三錢

浮小麥 四錢

金匱腎氣丸 包四錢

三診 飲食入胃。不生津液。始不爲肌膚。繼不爲筋骨。書謂食休見證。已著前章矣。陰液虧耗。肝陽上僭。水不制火。火不歸宅。兩進養肺陰。以柔肝木。益腎陰。而安心神之劑。尙覺合度。診脉弦數較和。細數依然。仍守原意出入。俾得陰陽

和協水火既濟。則入胃之飲食。自能生化精微。灌溉於五臟。灑陳於六腑。第是
恙延已久。斷非能剋日奏功也。

照前方去金匱腎氣丸、五味子、製黃精、加淮山藥三錢、鹽水炒杜仲三錢。

上桂心四分二十換

何左 多飲爲上消。多食爲中消。多溲爲下消。經云：二陽結謂之消。金匱云：厥

陰之爲病爲消。皆由陰分不足。厥陰之火消灼胃陰。津少上承。擬育陰生津法。

大麥冬三錢 川石斛三錢 瓜蒌皮二錢 北秫米三錢包 大生地四錢

天花粉三錢 淮山藥三錢 川貝母二錢 金匱腎氣丸三錢包

南北沙參各三錢 生甘草六分

上消多渴。下消多溲。上消屬肺。下消屬腎。肺腎陰傷。胃火內熾。治火無益。宜壯
水之主。以制陽光。

大生地四錢 生甘草八分 川貝母二錢 粉丹皮錢半 川石斛三錢



天花粉三錢

肥知母錢半

生白芍二錢

大麥冬三錢

炙烏梅四分

活蘆根

一尺去節

青皮

甘蔗三兩劈開入煎



癩症門

陳幼 兩目上竄。時劇時輕。今晚角弓反張。臍腹疼脹。舌強不利。吮乳。舌尖邊淡紅。中後薄膩。脉濡弱。哭聲不揚。氣陰暗傷。虛風內動。痰熱逗留。肺胃氣機窒塞。竅道不通。與熄風安神。化痰宣肺法。

煨石決 三錢

硃茯神 三錢

川象貝 各二錢

嫩鈎鈎 三錢後下 青龍齒 三錢

炙遠志 一錢

陳木瓜 二錢

山茨菇片 五分

淨蟬衣 八分

炙姜蠶 三錢

珍珠粉 一分沖服 金器 一具入煎

二診 角弓反張之勢已和。舌強不利。吮乳。手足心熱。哭泣聲啞。脉象弦細。風

陽挾痰熱上阻。廉泉橫竄絡道。肺胃氣機窒塞不宣。再擬熄風滌痰。清熱宣肺。

霜桑葉 二錢

硃茯神 三錢

川象貝 各二錢

嫩白薇 一錢五錢 甘菊花 三錢

遠志肉 一錢

炙姜蠶 三錢

青龍齒 三錢

淨蟬衣 八分

煨石決 三錢



山茱萸片四分 嫩鈎鈎三錢後入淡竹瀝一兩沖服 眞猴棗珍珠粉各一分沖服

金器一具入煎

朱幼

初病伏邪化熱。銷燦陰液。發熱口渴。唇皮焦燥。過服清涼。以致脾陽受傷。清氣下陷。小溲清長。而大便溏泄也。勢成慢驚重症。急擬溫腎運脾。

煨葛根二錢

炒於朮一錢五分

陳廣皮一錢

扁豆衣三錢

熟附片八分

炙甘草五分

焦穀芽三錢

炮姜炭四分

炒淮藥三錢

乾荷葉一角

馮幼

先天不足。後天又弱。吐瀉已久。神疲內熱。口乾不多飲。舌質紅。脈紋紅紫帶青。已過氣關。嘔吐傷胃。泄瀉傷脾。脾陽胃陰兩傷。肝木來乘。所謂陰虛生內熱。陽陷則殞泄也。漸入慢驚一途。恐鞭長莫及矣。勉擬連理湯加味。溫養脾胃。抑木和中。以望轉機。

炒潞黨參錢半

炙甘草四分

炮姜炭三分

焦穀芽三錢

陳木瓜二錢

陳廣皮一錢

雲茯苓三錢

川雅連三分

炒於朮一錢五分 灶心黃土二兩



丁氏醫案 卷八

孟河丁澤周甘仁著

長孫濟萬編輯

程門雪 朱振聲
陶可箴 錢乃振 仝參

劉佐彤 宋大仁

腫脹門

靈樞脹論。謂五藏六腑。皆各有脹。諸脹者。皆因厥氣在下。榮衛留止。寒氣逆上。真邪相攻。兩氣相搏。乃合而為脹也。故凡治脹病。必會通聖經諸條之旨。然後能識臟腑之部分。邪氣之盛衰。蓋名曰厥氣者。逆氣也。寒氣濁陰也。逆氣下塞。濁陰上干。衛氣滯留。榮血凝止。榮衛不調。寒邪得以乘虛而入。真邪相持。互結。



後。不解。臟虛邪即入臟。腑虛邪即入腑。故有五臟六腑諸脹之見症。治法分別列

心脹者。煩心短氣。臥不安。心為君主之官。神明出焉。寒邪來犯。心陽鬱遏。陰陽交戰。則短氣。火被水尅。為心煩。心腎不交。則臥不安也。當宜發揚神明。以安心臟。俾離火空照。則陰翳自散。

川桂枝 四分

光杏仁 三錢

生甘草 五分

硃茯神 三錢

酸棗仁 三錢

紫丹參 二錢

炙遠志 一錢

川鬱金 錢半

琥珀屑 六分 沖服 姜皮 五分

沉香片 四分

硃燈心 二札

肺脹者。虛滿而喘咳。肺為至高之臟。位主上焦。職司清肅。寒客於肺。肺氣壅塞。清肅之令。不得下行。先哲云。喘咳之為病。在肺為實。在腎為虛。此肺金之實喘也。擬溫肺散寒。射干麻黃湯加減。如寒包熱者。麻杏石甘湯治之。

淨麻黃 四分

嫩射干 八分

光杏仁 三錢

生甘草 六分

象貝母 三錢

仙半夏二錢 薄橘紅八分 桑白皮二錢 炙欬冬錢半 瓜蒌皮二錢

清水炒枇杷葉二錢去毛包

脾脹者善噦。四肢煩惋。體重不能勝衣。臥不安。脾為太陰而主四肢。脾弱生溼。溼阻中宮。真陽不運。土德日衰。寒邪乘之。濁陰凝聚。而為噦。為體重。為煩惋也。脾與胃為表裏。脾病胃亦病。胃不和則臥不安。擬溫運太陰。而化濁濕。

熟附片錢半 生白朮錢半 炮姜炭八分 雲茯苓三錢 仙半夏二錢

青陳皮各一錢 大砂仁八分 炒薏仁八錢 炒麥穀芽各三錢

製川朴一錢

肝脹者。脇下滿而痛引少腹。脇乃肝之分野。少腹乃厥陰之界。寒客厥陰。木失條達。厥氣橫逆。鴟張。故脇滿而少腹痛也。宜疎泄厥氣。而散寒邪。

軟柴胡一錢 炒赤白芍各錢半 金鈴子二錢 玄胡索一錢

細青皮一錢 春砂壳八分 川鬱金錢半 廣木香六分 青橘葉錢半



小茴香八分 台烏藥一錢 江枳壳一錢
 腎脹者。腹滿引背。央央然。腰髀痛。腎為水藏。腰為腎府。寒着於腎。下元虛寒。眞陽埋沒。陰邪充斥。故腹滿而腰髀痛也。擬溫腎助陽。而驅濁陰。俾得陽光普照。則陰霾自消。

熟附塊錢半

生白朮二錢

西葶朮二錢

川牛膝三錢

厚杜仲三錢

補骨脂錢半

青陳皮各一錢

台烏藥一錢

小茴香一錢

廣木香六分

嫩桑枝四錢

生姜三片

胃脹者。胃脘痛。鼻聞焦臭。妨於食。大便難。胃為陽土。主司出納。寒邪乘之。胃氣不通。不通則痛。胃既受病。水穀停滯中宮。欲化不化。反變敗濁。故鼻聞焦臭。而妨礙飲食也。穀氣不行。陽不通達。受盛傳導。皆失所司。故大便難。與腑實便閉者不同。擬平胃散合脾約麻仁丸加減。

製蒼朮一錢

製川朴一錢

陳廣皮一錢

細青皮一錢

江枳壳一錢

大砂仁八分研

廣鬱金錢半

全瓜蒌三錢切

脾約麻仁丸五錢(包)

廣木香四分

大腸脹者。腸鳴而痛。濯濯。冬日重感於寒。則殮泄不化。大腸為傳導之官。變化糟粕而出焉。寒客大腸。變化無權。清濁混淆。則生殮泄。虛寒氣滯。則腸鳴而痛。濯濯也。宜溫中化濁。分利陰陽。

熟附塊八分

炮姜炭六分

生白朮二錢

廣木香八分

陳廣皮一錢

豬茯苓各三錢

大砂仁一錢研

製小樸八分

大腹皮二錢

六神曲三錢

小腸脹者。少腹噤脹。引腰而痛。小腸為受盛之官。化物出焉。位居胃之下口。大腸之上口。寒客小腸。物無由化。水液不得滲於前。糟粕不得歸於後。故為少腹噤脹。引腰而痛。小溲必不利也。宜通幽化濁。滑利二便。

細青皮錢半

赤茯苓三錢

台烏藥一錢

細木通錢半酒炒瓜蒌仁三錢研

車前子二錢

廣木香六分

江枳壳二錢

青橘葉錢半

光杏仁三錢



生姜三片

膀胱脹者。少腹滿而氣癢。膀胱為州都之官。津液藏焉。氣化則能出矣。寒客膀胱。濕鬱下焦。氣化不及。州都水道窒塞不通。故少腹滿而氣癢。即今之癢閉也。宜開啓上閘。以通下源。如壺挈蓋之意。

苦桔梗二錢

光杏仁三錢

雲茯苓三錢

細木通八分

車前子三錢

瞿麥穗二錢

冬葵子四錢

懷牛膝二錢

滋腎通關丸三錢包

葶薺梗三錢

三焦脹者。氣滿於皮膚中。輕輕然而不堅。三焦即膜原。為決瀆之官。水道出焉。寒氣逆於三焦。決瀆失職。氣與水逆走腠理。其水不得從膀胱而泄。氣本無形。水質不堅。故氣滿於皮膚中。輕輕然而不堅。與膚脹等耳。當行氣利水。五苓五皮加減。

川桂枝五分

生白朮錢半

桑白皮二錢

鮮姜皮一錢

陳廣皮一錢



赤猪苓各三錢 江枳壳一錢

福澤瀉錢半

大腹皮二錢

廣木香六分

冬瓜皮一兩煎湯代水

胆脹者。脇下痛脹。口中苦。善太息。胆為中正之官。決斷出焉。惟其氣血皆少。為清淨之府。而內寄相火。寒客於胆。胆與肝為表裏。胆病而肝亦病。胆汁上溢。故口苦。肝氣拂鬱。故脇痛脹。善太息也。擬和解樞機。而洩厥氣。

柴胡一錢

當歸二錢

白芍錢半

梔子皮錢半

白蒺藜三錢

雲苓三錢

陳皮一錢

枳壳一錢

合歡皮二錢

川鬱金錢半

佛手八分

由是觀之。五臟六腑之脹。屬寒者多。而屬熱者少。屬實者多。而屬虛者少。中滿分消。治寒脹也。丹溪小溫中丸。治熱脹也。金匱工在疾下。治實脹也。濟生腎氣。治虛脹也。為司命之職。苟不辨明清切。而籠統處方。豈不自欺欺人乎。

朱女

痧子後。因穀食不謹。積滯生濕。濕鬱化熱。阻於募原。太陰失健運之常。

腫脹門 卷八 四



陽明乏通降之職。遂致脘腹膨脹。小溲不利。咳嗽氣喘。面目虛浮。身熱肢腫。苔乾膩而黃。脈弦滑。右甚於左。腫脹之勢漸著。急擬疏上焦之氣機。通中宮之濕滯。去其有形。則無形之熱。自易解散。

淡豆豉 三錢

黑山梔 錢半

枳實炭 錢半

光杏仁 三錢

象貝母 三錢

桑白皮 二錢

陳廣皮 一錢

大腹皮 二錢

萊菔子 二錢

福澤瀉 錢半

雞金炭 二錢

茯苓皮 三錢

冬瓜子皮 各三錢

程女 肺有伏風。痰氣壅塞。脾有濕熱。不能健運。以致咳嗽氣逆。面浮四肢腫。食入腹脹有形。小溲不利。苔薄膩。脈浮滑。勢成腫脹。急擬疏風宣肺。運脾逐濕。庶免加劇耳。

紫蘇葉 一錢

青防風 一錢

光杏仁 三錢

象貝母 三錢

連皮苓 四錢

陳廣皮 一錢

桑白皮 二錢

大腹皮 二錢

萊菔子 三錢炒研

枳實炭 一錢

漢防已 三錢

冬瓜子皮 各三錢

徐右 產後二月餘。遍體浮腫。頸脈動時咳。難於平臥。口乾欲飲。大腹脹滿。小
 溲短赤。舌光紅無苔。脈虛弦而數。良由榮陰大虧。肝失涵養。木尅中土。脾不健
 運。陽水濕熱。日積月聚。上射於肺。肺不能通調水道。下輸膀胱。水濕無路可出。
 泛濫橫溢。無所不到也。脈症參合。剛劑尤忌。急擬養肺陰以柔肝木。運中土而
 利水濕。冀望應手。庶免凶危。

南北沙參 各三錢

連皮苓 四錢

生白朮 二錢

清炙草 五分

懷山藥 三錢

川石斛 三錢

陳廣皮 一錢

桑白皮 二錢

川貝母 三錢

甜光杏 三錢

大腹皮 二錢

漢防已 三錢

冬瓜子皮 各三錢

生苡仁 五錢

另用冬瓜汁溫飲代茶

二診 服藥三劑。小溲漸多。水濕有下行之勢。遍體浮腫。稍見輕減。而咳嗽氣
 逆。不能平臥。內熱口乾。食入之後。脘腹飽脹益甚。舌光紅。脈虛弦帶數。皆由血
 虛陰虧。木火上升。水氣隨之逆肺。肺失肅降之令。中土受木所侮。脾失健運之



常也。仍宜養金制木。崇土利水。使肺金有治節之權。脾土得砥柱之力。自能通調水道。下輸膀胱。而水氣不致上逆矣。

南北沙參 各三錢

連皮苓 四錢

生白朮 二錢

清炙草 五分

川石斛 三錢

肥知母 錢半

川貝母 二錢

桑白皮 二錢

大腹皮 二錢

漢防已 二錢

炙白蘇子 錢半

甜光杏 三錢

冬瓜子皮 各三錢

鷄金炭 二錢

衛左 曝於烈日。暑氣內逼。居處潮濕。濕鬱滯阻。三焦決瀆無權。遂致脘腹脹滿。泛泛嘔噦。面浮肢腫。裏熱口乾。二便不通。皮色晦黃。苔灰膩。脈弦滑而數。此屬熱脹。先擬苦辛通降。泄上中之痞滿。

川雅連 五分

仙半夏 二錢

淡黃芩 一錢

枳實炭 錢半

製小朴 一錢

大腹皮 二錢

連皮苓 四錢

福澤瀉 錢半

萊菔子 三錢炒研
鮮藿香 錢半

西茵陳 錢半

六神曲 三錢

金童

初病春溫寒熱經治已愈。繼因停滯引動積濕。濕鬱化水。復招外風。風激水而橫溢泛濫。以致遍體浮腫。兩目合縫。氣逆不能平臥。大腹脹滿。囊腫如升。腿腫如斗。小溲澀少。脈象浮緊。苔白膩。此為風水重症。急擬開鬼門。潔淨府。

紫蘇葉 一錢

青防風 一錢

川桂枝 五分

連皮苓 四錢

福澤瀉 錢半

陳廣皮 一錢

大腹皮 二錢

水炙桑葉 二錢

淡姜皮 五分

鷄金炭 錢半

萊菔子 二錢炒研

二診 遍體浮腫。咳嗽氣急。難於平臥。大腹脹滿。小溲不利。囊腫腿腫如故。苔白膩。脈浮緊而弦。良由脾陽不運。積滯內阻。水濕泛濫橫溢。灌浸表裏。無所不到也。恙勢尙在重途。還慮易進難退。再擬汗解散風。化氣利水。俾氣化能及州都。則水濕斯有出路。

淨麻黃 四分

川桂枝 六分

連皮苓 四錢

生白朮 錢半

猪苓 二錢

澤瀉 錢半

陳皮 一錢

大腹皮 二錢

水炙桑葉 二錢

漢防已 二錢



萊菔子三錢炒研淡姜皮五分

三診 連投開鬼門潔淨府之劑。雖有汗不多。小溲漸利。遍體浮腫不減。咳嗽氣逆如故。大腹脹滿。舌白膩。脈浮緊。良由中陽受傷。脾胃困頓。陽氣所不到之處。卽水濕灌浸之所。大有水浪滔天之勢。尙在重險一途。今擬麻黃附子甘草湯合真武五苓五皮。複方圖治。大病如大敵。猶兵家之總攻擊也。然乎否乎。質之高明。

淨麻黃四分

熟附塊一錢

生甘草五分

豬雲苓各三錢

川椒目二十粒

川桂枝六分

生白朮錢半

福澤瀉錢半

陳廣皮一錢

大腹皮二錢

水炙桑皮二錢

淡姜皮五分

漢防已二錢

外以熱水袋熨體。助陽氣以蒸汗。使水濕從外內分消也。

四診 服複方後。汗多小溲亦暢。遍體浮腫漸退。氣逆咳嗽漸平。大有轉機之兆。自覺腹內熱氣蒸蒸。稍有口乾。是陽氣內返。水濕下趨之佳象。不可因其口

乾。遽謂寒已化熱。而改弦易轍。致半途盡廢前功也。仍守原法。毋庸更章。

原方加生熟苡仁各三錢

五診 遍體浮腫。十去五六。氣逆亦平。脈緊轉和。水濕已得分消。惟脾不健運。食入難化。易於便溏。口乾欲飲。脾不能為胃行其津液。輸潤於上。不得據為熱象也。今制小其劑。溫腎助陽。運脾利水。去疾務盡之意。

熟附塊 一錢

生白朮 二錢

生甘草 五分

茯苓 各三錢

炒補骨脂 錢半

川桂枝 五分

福澤瀉 錢半

陳廣皮 一錢

大腹皮 二錢

水炙桑皮 二錢

淡姜皮 五分

生熟苡仁 各三錢

冬瓜子皮 各三錢

六診 遍體浮腫已退八九。氣逆咳嗽亦平。飲食亦覺漸香。諸病已去。正氣暗傷。脾土未健。神疲肢倦。自汗蒸蒸。有似虛寒之象。今擬扶其正氣。調其脾胃。佐化餘濕。以善其後。

炒潞黨參 二錢

熟附片 八分

生白朮 二錢

雲茯苓 三錢

清炙草 五分



陳廣皮 一錢

大砂仁 八分 研

炒補骨脂 錢半

炒穀麥芽 各三錢

生熟苡仁 各三錢

冬瓜子皮 各三錢

福澤瀉 錢半

生姜 二片

紅棗 四枚

關左 暴腫氣急。小溲短赤。口渴欲飲。脈浮滑而數。此外邪壅肺。氣道不通。風水為患。風為陽邪。水為陽水。風能消穀。故胃納不減也。擬越婢湯加味。

淨麻黃 四分

熟石膏 三錢

生白朮 錢半

光杏仁 三錢

肥知母 錢半

茯苓皮 三錢

大腹皮 二錢

桑白皮 二錢

冬瓜子皮 各三錢

淡姜皮 五分

林左 年近花甲。思慮傷脾。脾陽不運。濁濕凝聚。以致大腹脹滿。鼓之如鼓。小溲清白。脈象沉細。脾為太陰。濕為陰邪。當以溫運分消。

熟附子塊 一錢

淡乾姜 八分

生白朮 三錢

廣陳皮 一錢

製川朴 一錢

大腹皮 二錢

鷄金炭 錢半

炒穀芽 四錢

陳葫蘆瓢 四錢

清炙草 五分



二診 前進溫運分消之劑。臍腹脹滿略鬆。納穀減。少形瘦神疲。小溲清。長腑行不實。脈沉細。良由火衰不能生土。中陽不運。濁陰凝聚。鼓之如鼓。中空無物。卽無形之虛氣散逆。而爲滿爲脹也。仍擬益火消陰。補虛運脾。亦經旨塞因塞用之意。

炒潞黨參 三錢

熟附子 錢半

淡乾姜 八分

清炙草 五分

陳廣皮 一錢

大砂仁 八分研

陳葫蘆瓢 四錢

胡蘆巴 錢半

炒補骨脂 錢半

煨益智 錢半

三診 臍腹脹滿較前大減。小溲微黃。自覺腹內熱氣烘蒸。陽氣內返之佳象。脈沉未起。形肉削瘦。仍宜益火之原。以消陰翳。俾得離照當空。則濁陰自散。

炒潞黨參 三錢

熟附子 錢半

淡乾姜 八分

清炙草 八分

陳廣皮 一錢

大砂仁 研八分

炒淮藥 三錢

炒補骨脂 錢半

胡蘆巴 錢半

煨益智 錢半

小茴香 八分

焦穀芽 四錢

陳葫蘆瓢 四錢

陳左

大腹膨脹。鼓之如鼓。臍突青筋顯露。形瘦色痿。脈沉細。舌無苔。良由脾

腎之陽大傷。虛氣散逆。陽氣不到之處。卽濁陰凝聚之所。閱前方均用理氣消脹之劑。脹勢有增無減。病延一載。虛脹無疑。姑仿經旨塞因塞用之法。冀望應手爲幸。

炒潞黨參三錢

熟附塊一錢

淡乾姜六分

清炙草六分

連皮苓四錢

陳廣皮一錢

炒補骨脂錢半

胡蘆巴錢半

金液丹一錢（每早空心吞服）

陳葫蘆瓢三錢

傅左

宦途失意。憂思傷脾。運行無權。肝木來侮。濁氣在上。則生臃脹。大腹脹滿。自秋至冬。日益加劇。動則氣逆。小溲涓滴難通。青筋顯露。足腫不能步履。口燥欲飲。舌紅絳。脈細數。疊進六君。五皮。腎氣等劑。病勢不減。已入危篤。一途。勉擬養金制木。運脾化氣。亦不過盡心力而已。

南北沙參各三錢

連皮苓四錢

生白朮三錢

懷山藥三錢

左牡蠣四錢

花龍骨三錢

川貝母三錢

甜光杏三錢

漢防已二錢

鮮冬瓜汁 冲服二兩

滋腎通關丸 錢半包煎

另單方。每日蝦士蟆二錢。泛水如銀耳狀煎服。連蟆肉食之。如法食兩天。後卽小溲暢行。且時時頻轉矢氣。腫脹漸消。按蝦士蟆爲益腎利水之品。故能應效。詢治虛脹之妙品也。孫濟萬誌。

文右

舊有脘痛。繼則腹滿作脹。食入難化。面黃溺少。此肝氣拂鬱。木乘土位。濕熱濁氣。凝聚於膜原之間。三焦氣機流行窒塞。書所謂濁氣在上。則生臌脹是也。兩關脈弦。寸部鬱滯。急擬疏肝解鬱。運脾逐濕。

銀州柴胡 一錢

生白朮 二錢

枳實炭 一錢

連皮苓 四錢

陳廣皮 一錢

大腹皮 二錢

黑山枝 錢半

帶壳砂仁 八分

冬瓜皮 三錢

鷄金炭 錢半

炒穀麥芽 各三錢

小溫中丸 三錢 每早吞服

楊左

形瘦色蒼。木火體質。抑鬱不遂。氣阻血痺。與濕熱凝聚膜原。始則裏熱口乾。繼而大腹脹硬。自夏至秋。日益脹大。今已臍突紅筋顯露。納穀衰少。大便



色黑。小溲短赤。舌灰黃。脈弦數。此血臟之重症也。氣爲血之先導。血爲氣之依。附氣滯則血凝。氣通則血行。先擬行氣去瘀。清熱化濕。然恙根已深。非旦夕所能圖功者也。

銀州柴胡 一錢

生香附 二錢

連皮苓 四錢

紫丹參 二錢

粉丹皮 錢半

京赤芍 二錢

藏紅花 八分

當歸尾 三錢

絳通草 八分

黑山枝 錢半

澤蘭葉 錢半

青甯丸 三錢包

脚氣門

何左 溼濁之氣。從下而受。由下及上。由經絡而入臟腑。太陰健運失常。陽明通降失司。腿足浮腫。大腹脹滿。胸悶氣逆。不能平臥。面色灰黃。脉左弦右濡滑。脚氣冲心重症。脚氣謂之壅疾。急擬逐溼下行。

紫蘇梗 錢半

連皮苓 五錢

陳木瓜 五錢

苦桔梗 一錢

海南子 三錢

陳廣皮 三錢

漢防己 三錢

淡吳萸 錢半

生熟苡仁 各五錢

福澤瀉 二錢

連皮生姜 三片

二診 昨進逐溼下行之劑。大便先結後溏。氣逆略平。而大腹脹滿。腿足浮腫。依然如舊。面無華色。舌苔白膩。脉左弦細。右濡滑。蘊溼由下而上。由經絡而入臟腑。脾胃運化無權。脚氣重症。還慮冲心之變。前法既獲效機。仍守原意出入。照前方加川牛膝 三錢 冬瓜皮 五錢



三診 腿足腫略減。兩手背亦腫。大腹脹滿雖鬆。胸悶氣升。難以平臥。身熱不壯。口苦且乾。面無華色。舌苔薄膩微黃。脉象濡小而滑。脾主四肢。脾弱水溼泛濫。濁氣上干。肺胃之氣。失於下降。恙勢尙在重途。未敢輕許不妨。再仿五苓合雞鳴散加減。逐溼下行。

川桂枝 五分

福澤瀉 二錢

陳木瓜 三錢

大腹皮 三錢

酒炒黃芩 八分

猪苓 三錢

川牛膝 二錢

淡吳萸 八分

連皮苓 五錢

陳皮 三錢

冬瓜皮 五錢

漢防己 三錢

生熟苡仁 各五錢

連皮生薑 三片

四診 脚氣腫勢減。大腹脹滿亦鬆。小溲漸多。水溼有下行之勢。身熱時輕時劇。口苦且乾。面無華色。舌苔膩黃。脈象濡小而滑。濁氣留戀膜原。脾胃運化無權。能得不增他變。可望轉危爲安。脚氣壅疾。雖虛不補。仍宜五苓合雞鳴散加減。逐溼下行。運脾分消。

前方去吳萸。加地枯蘿 三錢



五診 腫勢大減。大腹脹滿漸鬆。小溲漸多。水溼有下行之漸。納少噯氣。且見欬嗽。舌苔薄白而膩。脉象弦小而滑。濁氣聚於膜原。水溼未能盡化。太陰健運失常。陽明通降失司也。前法頗合。毋庸更張。

川桂枝 六分

澤瀉 錢半

大腹皮 二錢

光杏仁 三錢 不打連皮 苓 四錢

生熟苡仁 各三錢

陳皮 一錢

淡吳萸 八分

陳木瓜 三錢

連皮生姜 三片 粉豬苓 二錢

牛膝 二錢

漢防已 三錢

地枯蘿 三錢

六診 腫勢十去七八。脹滿大減。小溲漸多。水溼濁氣已得下行。溝瀆通則橫流自減。理固然也。苔膩未化。納穀不旺。餘溼未楚。脾胃運化未能如常。去疾務盡。仍守前法。

前方去地枯蘿。加生白朮 錢半 冬瓜皮 四錢

趙左 脚氣上衝入腹。危險之極。變生頃刻。勉方作萬一之想。破釜沉舟。遲則

無濟矣。



熟附子	五錢	雲茯苓	八錢	陳木瓜	五錢	花楸榔	三錢	淡乾姜	三錢
生白朮	三錢	淡吳萸	二錢	黑錫丹	三錢				



黃疸門

朱右 溫病初愈。因飲食不謹。濕熱滯互阻中焦。太陰健運無權。陽明通降失司。以致脘腹脹悶。不思納穀。一身盡黃。小溲短赤。如醬油色。苔薄膩黃。脈濡滑而數。黃疸已成。非易速痊。擬茵陳四苓合平胃加減。

西茵陳 錢半

連皮苓 四錢

豬苓 二錢

陳廣皮 一錢

黑山枝 二錢

福澤瀉 錢半

炒麥芽 三錢

製蒼朮 一錢

製川朴 一錢

六神麴 三錢

炒苡仁 三錢

陳左 喉痧之後。滋陰太早。致伏溫未發。蘊濕逗留募原。著於內而現於外。遂致遍體發黃。目珠黃。溺短赤。身熱晚甚。渴喜熱飲。肢節痠疼。舉動不利。苔薄膩黃。脈濡數。溫少濕多。互阻不解。纏綿之症也。姑宜清宣氣分之溫。驅逐募原之濕。俾溫從外達。濕從下趨。始是病之去路。

清水豆卷八錢 忍冬籐三錢 連翹壳三錢 澤瀉錢半 西茵陳錢半

黑山枝二錢 猪苓二錢 製蒼朮七分 粉葛根錢半 通草八分

鷄蘇散三錢包 甘露消毒丹八錢包煎

孔左 素體陰虛濕從熱化薰蒸鬱遏與胃中之濁氣相併遂致遍體發黃目

與溲赤肢倦乏力納穀減少舌質淡紅從陽疸例治之

西茵陳二錢半 赤猪苓各三錢 通草八分 冬瓜皮四錢 黑山枝二錢

澤瀉錢半 飛滑石三錢 白茆根兩札去心 生白朮錢半 杜赤豆二兩

韓女 室女經閉四月肝失疎泄宿瘀內阻水穀之溼逗留太陰陽明厥陰三

經為病始而少腹作痛繼則脘脹納少目黃溲赤肌膚亦黃大便色黑現為黃

疸久則恐成血臑急宜運脾逐溼祛瘀通經

陳廣皮一錢 赤猪苓各三錢 杜紅花八分 製蒼朮一錢 大腹皮二錢

桃仁泥錢半包 製川朴一錢 福澤瀉錢半 延胡索一錢 西茵陳二錢半



蘇木 錢半

青甯丸 二錢半吞服

高左 身熱旬餘。早輕暮重。夜則夢語如讖。神機不靈。遍體色黃。目黃溺赤。口乾欲飲。舌乾灰膩。脈象左弦數。右濡數。伏邪濕熱逗留募原。如蠶醬然。濕熱挾痰。易於蒙蔽清竅。清陽之氣失曠。加之呃逆頻頻。手足蠕動。陰液暗耗。衝氣上升。內風煽動。溼溫黃疸。互相為患。頗慮痙厥之變。急擬生津而不滋。化溼而不燥。清宣淡滲。通利三焦。勿使邪陷厥陰。是為要策。

天花粉 三錢

硃茯神 三錢

鮮石菖蒲 一錢

黑山枝 二錢

益元散 三錢包

柿蒂 十枚

嫩鈎鈎

後入三錢

西茵陳 二錢半

嫩白薇 錢半

炒竹茹 錢半

白茆根 兩札去心

楮左

躬耕南畝。曝於烈日。復受淋雨。又夾食滯。溼着於外。熱鬱於內。遂致遍

體發黃。目黃洩赤。寒熱骨楚。胸悶脘脹。苔膩佈。脈浮緊而數。急仿麻黃連翹赤

豆湯意。



淨麻黃 四分

赤茯苓 三錢

六神麴 三錢

連翹壳 三錢

枳實炭 一錢

福澤瀉 錢半

淡豆豉 三錢

苦桔梗 一錢

炒穀麥芽 各三錢

西茵陳 錢半

杜赤豆 一兩

衛左

飢飽勞役脾胃兩傷溼自内生蘊於募原遂致肌膚色黃目黃溲赤肢

倦乏方納穀衰少脈濡舌苔黃諺謂脫力黃病卽此類也已延兩載難許速效

仿補力丸意緩緩圖之

炒全當歸 一兩

烘雲茯苓 一兩四錢

炒西秦艸 一兩

大砂仁 五錢

紫丹參 一兩

鹽水炒淮牛膝 一兩

炒六神麴 一兩四錢

炒赤芍 一兩

米泔水浸炒製蒼朮 八錢

鹽水炒厚杜仲 一兩

炒苡仁 二兩

生晒西茵陳 二兩

土炒白朮 一兩

煨皂礬 五錢

烘陳廣皮 七錢

炒福澤瀉 八錢

右藥各研爲細末用大黑棗六兩煑熟去皮核同藥末搗爛爲丸晒乾每



早服三錢、開水送下、

麥左嗜酒生溼。溼鬱生熱。熱在陽明。溼在太陰。薰蒸鬱遏。如蠶醬然。面目發黃。黃甚則黑。心中嘈雜。雖食甘香。如啖酸辣。小溲短赤。口乾而渴。此酒疸也。姑擬清解陽明之鬱熱。宣化太陰之蘊濕。使熱邪從肌表而解。濕邪從小便而出也。

粉葛根 二錢

肥知母 錢半

赤茯苓 三錢

西茵陳 三錢

黑山枝 二錢

陳皮 一錢

車前子 三錢

天花粉 三錢

枳椇子 三錢

生苡仁 一兩煎湯代水

刁左

抑鬱起見。肝病傳脾。脾不健運。溼自內生。與胃中之濁氣相併。下流膀胱。膀胱為太陽之府。太陽主一身之表。膀胱溼濁不化。一身盡黃。小溲赤澀。食穀不消。易於頭眩。此穀疸也。治病必求於本。疎肝解鬱為主。和中利溼佐之。

銀州柴胡 一錢 雲茯苓 三錢 大砂仁 八分研 製蒼白朮 各一錢

銀州柴胡 一錢

雲茯苓 三錢

大砂仁 八分研

製蒼白朮 各一錢



全當歸 二錢

生熟穀芽 各三錢

陳廣皮 一錢

炒赤芍 錢半

生熟苡仁 各三錢

製川朴 一錢

西茵陳 錢半

炒車前子 三錢

黑山枝 二錢

任右

經閉三月。膀胱急。少復滿。身盡黃。額上黑。足下熱。大便色黑。時結時溇。

納少神疲。脈象細澹。良由寒客血室。宿瘀不行。積於膀胱少腹之間也。女勞疸之重症。非易速痊。古方用硝石礬石散。今仿其意。而不用其藥。

當歸尾 二錢

雲茯苓 三錢

藏紅花 八分

帶壳砂仁 八分研

京赤芍 二錢

桃仁泥 錢半包

肉桂心 三分

西茵陳 錢半

紫丹參 二錢

青甯丸 二錢半包

延胡索 一錢

血餘炭 一錢包

澤瀉 錢半

周左

思慮過度。勞傷乎脾。房勞不節。勞傷乎腎。脾腎兩虧。肝木來侮。水穀之

溼內生。溼從寒化。陽不運行。胆液為溼所阻。漬之於脾。浸淫肌肉。溢於皮膚。遂致一身盡黃。面目黧黑。小溲淡黃。大便灰黑。納少泛噁。神疲乏力。苔薄膩。脈沉



細。陽虛則陰盛。氣滯則血瘀。瘀溼下流大腸。故腑行灰黑而艱也。陰疽重症。纏綿之至。擬茵陳朮附湯加味。助陽運脾爲主。化濕祛瘀佐之。俾得離照當空。則陰霾始得解散。然乎否乎。質之高明。

熟附子塊

錢半

連皮苓

四錢

紫丹參

二錢

大砂仁

一錢研

生白朮

三錢

廣陳皮

一錢

藏紅花

八分

炒麥芽

三錢

西茵陳

二錢半

製半夏

二錢

福澤瀉

錢半

炒薏仁

四錢

淡姜皮

八分

金君 操煩鬱慮。心脾兩傷。火用不宣。脾陽困頓。胃中所入水穀。不生精微。而化爲溼濁。着於募原。溢於肌膚。以致一身盡黃。色晦而暗。納少神疲。便溏如白漿之狀。起自仲夏。至中秋後。臍腹膨脹。腿足木腫。步履艱難。乃土德日衰。肝木來侮。濁陰凝聚。水濕下注。陽氣不到之處。卽水溼凝聚之所。症情滋蔓。蔓難圖也。鄙見淺陋。恐不勝任。拙擬助陽驅陰。運脾逐溼。是否有當。尙希 教正

熟附塊

錢半

連皮苓

四錢

西茵陳

錢半

淡乾姜

八分

陳廣皮

一錢

葫蘆巴

錢半

米炒於朮

二錢

大腹皮

二錢

大砂仁

八分研

清炙草

五分

炒補骨脂

錢半

陳葫蘆瓢

四錢

金液丹

二錢吞服

按黃疸一門、方案甚多、祇錄十二案、重複者去之、復症者不錄、如金君至家、嚴處就診四五次、方藥出入不多、亦祇錄一案、蓋金君號子久、係大麻名醫、家嚴直告之曰、症屬不治、請先生早日回府靜養、逾旬日竟不起、惜哉、中醫界又少一明星矣、

男涵人誌



丁氏醫案 卷九

孟河丁澤周甘仁著

長孫濟萬編輯

程門雪 朱振聲
陶可箴 錢乃振 仝參

劉佐彤 宋大仁

胸痺門

揚州朱似椿 診脈三部弦小而數。右寸濇、關濡、尺細數。舌苔膩黃。見症胸痺痞悶。不進飲食。時泛噁。裏熱口乾不多飲。十日未更衣。小溲短赤渾濁。目珠微黃。面色晦而無華。良由腎陰早虧。濕遏熱伏。犯胃貫膈。胃氣不得下降。脈症參合。證屬纏綿。陰傷既不可滋。濕甚又不可燥。姑擬宣氣泄肝。以通陽明。芳香化



濁。而和樞機。

括萋皮 三錢

赤茯苓 三錢

江枳實 一錢

葶薺梗 錢半

薤白頭 一錢酒炒

福澤瀉 錢半

炒竹茹 錢半

鮮枇杷葉 三片

綿茵陳 錢半

仙半夏 二錢

通草 八錢

銀柴胡 一錢

水炒川連 四分

鮮藿佩 各二錢

塊滑石 三錢

二診 脈左三部細小帶弦。右寸濇稍和。關濡尺細。舌苔薄膩而黃。今日嘔噦漸減。胸痞依然。不思納穀。口乾不多飲。旬日未更衣。小溲短赤渾濁。目珠微黃。面部晦色稍開。少陰之分本虧。濕熱夾痰滯互阻中焦。肝氣橫逆於中。太陰健運失常。陽明通降失司。昨投宣氣泄肝。以通陽明。芳香化濁。而和樞機之劑。尙覺合度。仍守原意擴充。

仙半夏 二錢

赤茯苓 三錢

銀柴胡 一錢

綿茵陳 錢半

上川雅連 五分

鮮藿香佩蘭 各二錢

廣鬱金 錢半

建澤瀉 錢半

括萋皮 三錢

痧枳實 一錢

生熟穀芽 各三錢

薤白頭 一錢酒炒
塊滑石 三錢



炒竹茹錢半

通草八分

鮮枇杷葉三片去毛包

鮮荷梗一尺

三診 嘔噫已止。濕濁有下行之勢。胸痞略舒。氣機有流行之漸。惟納穀衰少。小溲渾赤。苔薄黃。右脉濡滑。左脈弦細帶數。陰分本虧。濕熱留戀募原。三焦宣化失司。脾不健運。胃不下降。十餘日未更衣。腸中乾燥。非宿垢可比。勿亟亟下達也。今擬理脾和胃。苦寒泄熱。淡味滲濕。

括蕒皮三錢

赤茯苓三錢

黑山梔錢半

鮮葶薺梗三錢

薤白頭錢酒炒

炒枳實七分

通草八分

鮮枇杷葉三片

仙半夏二錢

川貝母二錢

塊滑石三錢

鮮荷梗一尺

水炒川連四分

鮮藿香佩蘭各二錢

生熟穀芽各三錢

四診 胸痞十去七八。腑氣已通。濁氣已得下降。惟納穀衰少。小溲短赤渾濁。臨晚微有潮熱。脈象右濡滑而數。左弦細帶數。苔薄膩微黃。腎陰虧於未病之先。濕熱逗留募原。三焦宣化失司。脾胃運行無權。葉香巖先生云。濕熱為薰蒸。



粘膩之邪。最難驟化。所以纏綿若此也。再宜宣氣通胃。苦降滲濕。

清水豆卷六錢

赤茯苓三錢

銀柴胡一錢

鮮枇杷葉四片

鮮荷梗一尺

黑山梔錢半

炒枳實八分

塊滑石三錢

仙半夏二錢

川貝母二錢

通草八分

穀麥芽各三錢

川黃連三分

鮮藿香佩蘭各二錢

括萋皮三錢

葶薺梗一錢五分

五診 門人余繼鴻接續代診

小溲渾赤漸淡。胃氣來復。漸漸知饑。頭眩神疲。因昨晚饑而未食。以致虛陽上擾也。脘痞已除。午後仍見欠舒。良由濕熱之邪。旺於午後。乘勢而上蒸也。脾胃雖則漸運。而三焦之間。濕熱逗留。一時未能清徹。口涎甚多。此脾虛不能攝涎也。今擬仍宗原法。中加和胃運脾之品。

清水豆卷六錢

赤茯苓三錢

塊滑石三錢

鮮枇杷葉四片

鮮荷梗一尺

黑山梔錢半

生於朮八分

通草八分

仙半夏錢半

穀麥芽各三錢



炒枳實 八分

鮮藿香佩蘭 各二錢

杭菊花 錢半

括萋皮 三錢

川貝母 二錢

橘白絡 各一錢

葶薺梗 錢半

六診

飲食漸增。口亦知味。脾胃運化之權。有恢復之機。小溲赤色已淡。較昨略長。濕熱有下行之勢。俱屬佳徵。神疲乏力。目視作脹。且畏燈亮。此正虛浮陽上擾也。口涎漸少。脾氣已能攝涎。舌苔薄膩。而黃色已化。脈象右寸關頗和。左關無力。兩尺細軟。邪少正虛。再擬溫胆湯。加扶脾宣氣。而化濕熱之品。標本同治。

清水豆卷 六錢

赤茯苓 三錢

川貝母 二錢

鮮枇杷葉 四片

鮮荷梗 一尺

生於朮 錢半

橘白絡 各八分

穀麥芽 各三錢

杭菊花 錢半

廣鬱金 一錢

生苡仁 三錢

炒竹茹 錢半

仙半夏 錢半

鮮藿香佩蘭 各二錢

通草 八分

建蘭葉 三片

此方本用枳實、括萋皮、二味、因大便又行兼溏、故去之、



七診 腹脹已舒。飲食亦香。小溲漸清。僅帶淡黃色。昨解大便一次頗暢。作老

黃色久留之濕熱滯濁。從二便下走也。今早欲大便未得。略見有血。良由濕熱蘊於大腸。血分乘勢外達。可無妨碍。脾胃運化有權。正氣日漸恢復。當慎起居。謹飲食。不可稍有疎忽。恐其橫生枝節也。再與扶脾宣化而暢胃氣。

生於朮 一錢

硃茯神 三錢

通草 八分

鮮荷梗 一尺

鮮藕節 三枚

清水豆卷 四錢

橘白絡 各一錢

川貝母 二錢

仙半夏 錢半

生苡仁 三錢

穀麥芽 各三錢

京赤芍 錢半

炒竹茹 錢半

杭菊花 錢半

建蘭葉 三片

荸薺梗 錢半

八診

脾胃為資生之本。飲食乃氣血之源。正因病而虛。病去則正自復。今病邪已去。飲食日見增加。小溲漸清。略帶淡黃。三焦蘊留之濕熱。從二便下達。脾胃資生有權。正氣日振矣。舌根膩。未能盡化。脈象頗和。惟尺部細小。

再與扶脾和胃。而化餘濕。

生於朮 一錢

硃茯神 三錢

穀麥芽 各三錢

鮮荷梗 一尺

鮮建蘭葉 二片

清水豆卷 四錢

橘白絡 各一錢

魯豆衣 錢半

仙半夏 錢半

生苡仁 三錢

炒杭菊 錢半

炒竹茹 錢半

鮮藿香佩蘭 各二錢

通草 八分

九診

脈象漸漸和緩。藏府氣血。日見充旺。病後調養。飲食為先。藥物次之。書云。胃以納穀為寶。又云。無毒治病。十去其八。毋使過之。傷其正也。補養身體。最冲和者。莫如飲食。今病邪盡去。正宜飲食。緩緩調理。雖有餘下微邪。正足則自去。不必慮也。再與調養脾胃。而化餘邪。

生於朮 錢半

橘白絡 各一錢

穀麥芽 各三錢

鮮荷梗 一尺

清水豆卷 四錢

生苡仁 三錢

佩蘭梗 錢半

建蘭葉 二片

硃茯神 二錢

生淮藥 二錢

魯豆衣 錢半

炒杭菊 錢半

鮮佛手 一錢

通草 八分

十診

病邪盡去。飲食頗旺。脈象和緩有神。正氣日見充旺。小便雖長。色帶黃。



苔薄膩。餘濕未盡。四日未更衣。因飲食多流質之故。非燥結可比。不足慮也。當此夏令。還宜慎起居。節飲食。靜心調養。月餘。可以復元。再宜健運脾胃。而化餘濕。

生於朮 錢半

瓜蒌皮 三錢

川貝母 三錢

鮮佩蘭 三錢

清水豆卷 四錢

硃茯神 三錢

生苡仁 三錢

通草 一錢

鮮荷梗 一尺

橘白絡 各一錢

生熟穀芽 各三錢

(病全愈返申)

朱右 診脈左弦右濇。卽陽微陰弦。胸痺心痛。痛引背俞。食入梗脹。甚則泛吐。舌苔白膩。此寒客中焦。厥氣上逆。犯胃貫膈。濁陰閉塞所致。擬括萸薤白半夏湯加減。

括萸皮 三錢

薤白頭 錢半

酒炒 范志麴 二錢

仙半夏 三錢

雲茯苓 三錢

枳實炭 一錢

陳皮 一錢

白蔻壳 八分

大砂仁 八分

研 製川朴 一錢

生姜 兩片

陳香椽皮 八分



腕脅痛門

傳右 舊有胸腕痛之宿疾。今新產半月。胸腕痛大發。痛甚嘔吐拒按。飲食不納。形寒怯冷。舌苔薄膩而灰。脈象左弦緊。右遲濇。新寒外受。引動厥氣上逆。食滯交阻中宮。胃氣不得下降。頗慮痛劇增變。急擬散寒理氣。和胃消滯。先奠痛止為要着。至於體質虧虛。一時無暇顧及也。

桂枝心 各三分

仙半夏 三錢

左金丸 六分包

括萋皮 三錢炒

陳皮 一錢

薤白頭 錢半

酒炒雲茯苓 三錢

大砂仁 一錢研

金鈴子 二錢

延胡索 一錢

枳實炭 一錢

炒穀麥芽 各三錢

陳佛手 八分

神仁丹 四分

(自製)另開水沖服

二診 服藥兩劑。胸腕痛漸減。嘔吐漸止。穀食無味。頭眩心驚。苔薄膩。脈左弦右遲緩。此榮血本虛。肝氣肝陽上升。濕滯未楚。脾胃運化無權。今擬柔肝洩肝。



和胃暢中。

炒白芍 錢半

金鈴子 二錢

延胡索 一錢

雲茯苓 三錢 (硃砂拌)

仙半夏 二錢

陳廣皮 一錢

括萎皮 二錢

薤白頭 錢半 酒炒
紫丹參 二錢

大砂仁 一錢 研

紫石英 三錢

陳佛手 八分

炒穀麥芽 各三錢

三診

痛嘔均止。穀食減少。頭眩心悸。原方去延胡索、金鈴子、加

製香附 錢半
青龍齒 三錢

袁左

胸痛徹背。背痛徹胸。脘脹腸鳴。甚則泛吐。舌苔薄白。脈象沉遲而濇。此

寒客陽位。陰邪充斥。厥氣橫逆。食滯互阻。脾胃運行無權。急宜溫通氣機為主。

暢中消滯佐之。

熟附子 一錢

淡乾姜 四分

淡吳萸 四分

桂心 三分

姜半夏 二錢

雲茯苓 三錢

陳皮 一錢

大砂仁 一錢 研

范志麴 二錢

厚朴 一錢

薤白頭 錢半 酒炒



二診 前投溫通氣機。暢中消滯之劑。胸背痛已見輕減。泛吐亦止。而脘悶作脹。不能飲食。脈沉小澹遲。脾不健運。胃不流通。肝氣拂鬱。寒滯未能盡化也。今原意進取。

桂心 四分

炒白芍 錢半

括萋皮 二錢

薤白頭 一錢 酒炒 雲茯苓 三錢

姜半夏 二錢

陳皮 一錢

厚朴 一錢

大砂仁 一錢 研 廣木香 五分

范志麴 二錢

炒穀麥芽 各三錢

張右

胸脘痛有年。屢次舉發。今痛引脇肋。氣升泛噁。夜不安寐。苔薄黃。脈左弦右澹。良由血虛不能養肝。肝氣橫逆。犯胃尅脾。通降失司。胃不和則臥不安。肝為剛臟。非柔不克。胃以通為補。今擬柔肝通胃。而理氣機。

生白芍 三錢

金鈴子 二錢

左金丸 八分包

硃茯神 三錢

仙半夏 錢半

北秫米 三錢 包

旋覆花 錢半 包

真新絳 八分

炙烏梅 五分

煨瓦楞 四錢

川貝母 二錢

姜水炒竹茹 錢半

二診 胸脇痛略減而心悸不寐頭眩泛噁內熱口燥不思納穀腑行燥結脈
弦細而數舌邊紅苔黃氣有餘便是火火內熾則陰傷厥陽升騰無制胃氣逆
而不降也肝為剛臟濟之以柔胃為燥土得陰始和今宜養陰柔肝清燥通胃

川石斛三錢 生白芍二錢 金鈴子二錢 左金丸七分 川貝母二錢

硃茯神三錢 黑山枝二錢 烏梅肉五分 珍珠母六錢 青龍齒三錢

煨瓦楞四錢 全瓜蒌三錢切 荸薺二兩洗打

章右 胸脘痛已延匝月痛引脇肋納少泛噁舌質紅苔黃脈弦而數良由氣
鬱化火銷燬胃陰胃氣不降肝升太過書所謂暴痛屬寒久痛屬熱暴痛在經
久痛在絡是也當宜泄肝理氣和胃通絡

生白芍三錢 金鈴子二錢 左金丸七分 黑山枝二錢 川石斛三錢

川貝母二錢 瓜蒌皮三錢 黛蛤散四錢包 旋覆花錢半包 真新絳八分

煨瓦楞四錢 帶子絲瓜絡二錢



復診 兩劑後痛減嘔止。原方去左金丸加南沙參三錢、合歡皮錢半。

朱童 脘痛喜按。得食則減。脈象弦遲。舌苔薄白。中虛受寒。肝脾氣滯。擬小建中湯加味。

大白芍三錢 炙甘草一錢 肉桂心四分 雲茯苓三錢 陳廣皮一錢

春砂殼八分 烏梅肉四分 全當歸二錢 煨姜兩片 紅棗四枚

飴糖四錢

韋左 脘腹作痛。延今兩載。飽食則痛。緩腹脹。微飢則痛。劇心悸。舌淡白。脈左

弦細。右虛遲。體豐之質。中氣必虛。虛寒氣滯為痛。虛氣散逆為脹。肝木來侮。中虛求食。前投大小建中。均未應效。非藥不對症。實病深藥淺。原擬小建中加小柴胡湯。合荊公妙香散。複方圖治。奇之不去。則偶之之意。先使肝木條暢。則中氣始有權衡也。

大白芍三錢 炙甘草一錢 肉桂心四分 潞黨參三錢 銀州柴胡錢半



仙半夏二錢 雲茯苓三錢 陳廣皮一錢 烏梅肉四分 全當歸二錢

煨姜三片 紅棗五枚 飴糖六錢

(妙香散方) 人參錢半 炙黃芪一兩 懷山藥一兩 茯苓神各五錢

龍骨五錢 遠志三錢 桔梗錢半 木香錢半 甘草錢半

右藥爲末，每日服二錢，陳酒送下，如不能飲酒者，米湯亦可。

按韋君乃安慶人也，病延二載，所服之方，約數百劑，均不應效，特來申就醫。

經家祖連診五次，守方不更，共服十五劑而痊愈矣。長孫濟萬誌

關右 舊有腕痛，今痛極而厥，厥則牙關拘緊，四肢逆冷，不省人事，逾時而蘇。

舌薄膩，脈沉澹似伏，良由鬱怒傷肝，肝氣橫逆，痰滯互阻，胃降失和，肝脹則痛。

氣閉爲厥，木喜條達，胃喜通降，今擬疎通氣機，以泄厥陰，宣化痰滯，而暢中都。

銀州柴胡錢半 大白芍錢半 清炙草五分 枳實炭一錢 金鈴子三錢

玄胡索一錢 川鬱金錢半 沉香片四分 春砂壳八分 雲茯苓三錢



陳廣皮一錢 炒穀麥芽各三錢 蘇合香丸一粒（去壳研末化服）

二診 服藥兩劑。厥定痛止。惟胸脘飽悶噯氣。不思納穀。腑行燥結。脈左弦右濇。厥氣漸平。脾胃不和。運化失其常度。今柔肝泄肝。和胃暢中。更當怡情適懷。以助藥力之不逮也。

全當歸二錢 大白芍二錢 銀州柴胡一錢 雲茯苓三錢 陳廣皮一錢

炒枳壳一錢 川鬱金錢半 金鈴子二錢 沉香片四分 春砂壳八分

全瓜蒌四錢切 佛手八分 炒穀麥芽各三錢

黃嫗 大怒之後。卽胸脘作痛。痛極則喜笑不能自禁止。笑極則厥。厥則人事不知。牙關拘緊。四肢逆冷。逾時而甦。日發十餘次。脈沉濇似伏。苔薄膩。此鬱怒傷肝。足厥陰之逆氣自下而上。累及手厥陰經。氣閉則厥。不通則痛。氣復返而甦。經所謂大怒則形氣絕。而血菀於上。使人薄厥是也。急擬疎通氣機。以洩厥陰。止痛在是。止厥亦在是。未敢云當明哲裁正。



川鬱金 二錢
合歡皮 錢半
金鈴子 二錢
玄胡索 一錢
硃茯神 三錢

炙遠志 一錢
青龍齒 三錢
沉香片 五分
春砂仁 八分研
陳廣皮 一錢

煨瓦楞 四錢
金器 一具入煎
蘇合香丸 二粒(去壳研末開水先化服)

二診 投劑以來。痛厥喜笑均止。惟胸脘痞悶。噯氣不能飲食。脈象左弦右濡。厥氣雖平。脾胃未和。中宮運化無權。今擬洩肝通胃。開曠氣機。更當適情怡懷。淡薄滋味。不致反復為要。

大白芍 錢半
金鈴子 二錢
代赭石 二錢煨
全福花 錢半包
硃茯神 三錢

炙遠志 一錢
仙半夏 二錢
陳廣皮 一錢
春砂仁 八分研
製香附 錢半

川鬱金 錢半
佛手 八分
炒穀麥芽 各三錢

沈石 操煩謀慮。勞傷乎肝。肝無血養。虛氣不歸。脘痛喜按。驚悸少寐。前方泄肝理氣。已服多劑。均無效。今仿金匱肝虛之病。補用酸。助用苦。益以甘藥調之。

大白芍 三錢
炙甘草 一錢
金鈴子 二錢
炒棗仁 三錢
五味子 四分



阿膠珠二錢
左牡蠣三錢
青龍齒三錢
炙遠志一錢
硃茯神三錢

潞黨參錢半
陳皮一錢
飴糖四錢

黎右
脇乃肝之分野。肝氣入絡。脇痛偏左。轉側不利。胸悶納少。甚則泛噁。自冬至春。痛勢有增無減。先哲云。暴痛在經。久痛在絡。仿肝着病例治之。

旋覆花錢半包
眞新絳八分
大白芍二錢
金鈴子二錢
左金丸七分

橘白絡各一錢
炒竹茹一錢
春砂壳八分
當歸鬚錢半
絲瓜絡二錢

川鬱金錢半
紫降香四分

少腹痛門

董左
少腹爲厥陰之界。新寒外束。厥氣失於疏泄。宿滯互阻。陽明通降失司。

少腹作痛拒按。胸悶泛噁。臨晚形寒身熱。小溲短赤不利。舌苔膩黃。脈象弦緊而數。厥陰內寄相火。與少陽爲表裏。是內有熱而外反寒之徵。寒熱夾雜。表裏



並病延經兩候。病勢有進無退。急擬和解少陽。以洩厥陰。流暢氣機。而通陽明。

軟柴胡 八分 黑山枝 錢半 清水豆卷 八錢 京赤芍 錢半 金鈴子 二錢

延胡索 一錢 枳實炭 錢半 炒竹茹 錢半 陳橘核 四錢 福澤瀉 錢半

路路通 錢半 甘露消毒丹 五錢包煎

復診 前投疎泄厥少。通暢陽明。已服兩劑。臨晚寒熱較輕。少腹作痛亦減。惟胸悶不思納穀。腑氣不行。小溲短赤。溺時管痛。苔薄膩黃。脈弦緊較和。肝失疎洩。胃失降和。氣化不及。州都膀胱之濕熱壅塞溺竅也。前法頗合病機。仍從原意擴充。

柴胡梢 八分 清水豆卷 八錢 黑山枝 二錢 陳橘核 四錢 金鈴子 二錢

延胡索 一錢 路路通 錢半 方通草 八分 福澤瀉 錢半 枳實炭 一錢

炒竹茹 錢半 葶薺梗 錢半 滋腎通關丸 三錢包煎

鈕右 經行忽阻。少腹痛拒按。痛引腰跨。腰腹屈而難伸。小溲不利。舌薄膩。脈



弦澹良由蓄瘀積於下焦。肝脾氣滯不通則痛。急擬疎氣通瘀。可望通則不痛。

全當歸 二錢
紫丹參 二錢
莞蔚子 三錢
撫芎 八分
川棟子 二錢

延胡索 一錢
製香附 錢半
大砂仁 八分研
生蒲黃 三錢(包)
五靈脂 錢半

兩頭尖 錢半酒浸包
琥珀屑 八分(冲服)

溫右 病本濕溫。適值經行。寒涼鬱遏。濕濁阻於中宮。舊瘀積於下焦。以致少腹作痛。小溲淋瀝不利。胸痞泛噁。不能納穀。舌苔灰膩。脈左弦澹。右濡緩。病情夾雜。最難着手。急宜通氣去瘀。苦降淡滲。

藿香梗 錢半
仙半夏 二錢
姜川連 五分
兩頭尖 錢半
淡吳萸 三分

赤茯苓 三錢
枳實炭 一錢
延胡索 一錢
生蒲黃 三錢(包)
藏紅花 八分

五靈脂 錢半
福澤瀉 錢半
葶薺梗 錢半
滋腎通關丸 三錢(包煎)

吉左 風冷由臍而入。引動寒疝。臍腹攻痛。有形積塊如拳。形寒怯冷。腸鳴不能飲食。舌苔白膩。脈象弦緊。陽不運行。濁陰凝聚。急宜溫通陽氣。而散寒邪。



桂枝心 各三分
炒白芍 錢半
金鈴子 二錢
延胡索 一錢
熟附塊 錢半

小茴香 八分
大砂仁 一錢研
台烏藥 錢半
雲茯苓 三錢
細青皮 一錢

陳橘核 四錢
淡吳萸 四分
枸橘 一枚打

(蟲痛)

龔童 腹痛有年。陡然而來。截然而止。面黃肌瘦。舌光無苔。脈象虛弦。此脾虛生濕。濕鬱生蟲。蟲日積而脾愈傷。脾胃傷而蟲愈橫也。當崇土化濕。酸苦殺蟲。以蟲得酸則伏。得苦則安之故。

生白朮 錢半
雲茯苓 三錢
大白芍 二錢
烏梅肉 五分
金鈴子 二錢

陳廣皮 一錢
使君肉 三錢
陳鶴虱 二錢
白雷丸 錢半
開口花椒 十粒

按蟲痛一症。孩童最多。其別即在面黃與陣作之間。此方屢試屢效。惟隨症之新久。病之虛實。而加減施用。使初起者。可去白朮。白芍。加蕪夷 錢半。延胡索 一錢。重在殺虫。以其脾胃尙未傷也。孫濟萬誌。



頭痛眩暈門

頭爲諸陽之會。惟風可到。風邪客於陽位。襲入太陽之經。頭脈脹痛。痛引後腦。連及項背。惡風鼻流清涕。胸悶納少。脈浮苔白。治以辛溫解散。

荊芥穗 一錢

青防風 一錢

川桂枝 五分

生甘草 五分

江枳壳 一錢

苦桔梗 一錢

炒赤芍 錢半

炒薄荷 八分

廣陳皮 一錢

荷葉 一角

茹右

頭痛且脹。痛引頭額。畏風鼻塞。苔黃脈浮。風邪客於陽明之經也。風爲

陽邪。辛以散之。涼以清之。

荊芥穗 錢半

薄荷炭 八分

淨蟬衣 八分

蔓荊子 錢半

冬桑葉 三錢

甘菊花 三錢

江枳壳 一錢

苦桔梗 一錢

粉葛根 錢半

連翹壳 三錢

苦丁茶 錢半

荷葉邊 一圓

任左

頭額掣痛。痛引左耳。夜半則痛尤甚。脈浮數苔黃。陰分本虧。風邪化熱。



引動肝胆之火。上犯空竅。姑擬辛涼解散。清泄厥少。

冬桑葉 三錢

甘菊花 三錢

薄荷炭 八分

羚羊片 三分(先煎汁沖服)

連翹壳 三錢

黑山枝 二錢

京赤芍 錢半

生甘草 五分

蒼耳子 錢半

夏枯花 錢半

荷葉邊 一圓

豐左

疖毒之後。頭痛匝月。痛引目眶。肌膚發出紅點。如廣痘狀。肢節痠疼。此精化之毒未楚。隨厥少之陽擾犯清空。血脈凝滯。不通則痛也。擬清解毒火。而泄厥少。

泄厥少。

金銀花 三錢

連翹壳 三錢

生赤芍 三錢

硃茯神 三錢

淨蟬衣 一錢

甘菊花 三錢

薄荷炭 一錢

夏枯花 錢半

仙遺糧 四錢

生甘草 五分

靈砂黑虎丹

每早晚各吞一粒開水送下

按此頭痛服藥三劑。及靈砂黑虎丹七粒。其痛即止。結毒頭痛。非靈砂黑

虎丹不能取效也。長孫濟萬誌。



居右 頭痛如劈。筋脈掣起。痛連目珠。舌紅絳。脈弦數。此肝陽化火。上擾清空。

當壯水柔肝。以息風火。勿可過用風藥。風能助火。風藥多。則火勢有更裂之弊。

小生地 四錢 生白芍 二錢 粉丹皮 二錢 生石決 八錢 薄荷葉 八分

甘菊花 三錢 羚羊片 四分 (另煎汁沖服) 夏枯花 錢半 黑山枝 二錢

黑芝麻 三錢 嫩鈎鈎 三錢 (後入)

詹右 產後血虛。厥陽上擾。頭腦空痛。目花眩暈。脈弦細。舌光無苔。當養血柔

肝。而潛厥陽。

大生地 四錢 生白芍 二錢 阿膠珠 二錢 稽豆衣 三錢 炒杭菊 錢半

潼蒺藜 三錢 熟女貞 二錢 酸棗仁 三錢 生石決 八錢 生牡蠣 六錢

黑芝麻 三錢 嫩鈎鈎 三錢 (後入)

黃左 肝為風木之臟。賴腎水以滋養。水虧不能涵木。肝陽上擾。清空。頭痛眩

暈。心悸少寐。筋惕肉瞤。恙久根深。非易速痊。當宜滋腎水以柔肝木。潛浮陽而



安心神。

阿膠珠 三錢

生白芍 三錢

左牡蠣 六錢

青龍齒 三錢

硃茯神 三錢

酸棗仁 三錢

稽豆衣 三錢

炒杭菊 錢半

潼蒺藜 三錢

仙半夏 二錢

北秫米 三錢

(包)嫩鈎鈎 三錢

後入黑芝麻 三錢

琥珀多寐丸 一錢

(吞服)

鄭右

諸風掉眩。皆屬於肝。肝陰不足。肝陽上僭。頭眩眼花。泛泛嘔吐。納穀減少。苔薄膩。脈弦滑。濕痰內阻。胃失降和。丹溪云。無痰不作眩。當柔肝潛陽。和胃化痰。

生白芍 三錢

稽豆衣 三錢

仙半夏 二錢

明天麻 一錢

硃茯神 三錢

枳實炭 一錢

炒竹茹 一錢

陳皮 一錢

潼白蒺藜 各二錢

炒杭菊 錢半

生石決 八錢

嫩鈎鈎 三錢

(後入)



丁氏醫案 卷十

孟河丁澤周甘仁著

長孫濟萬編輯

及門諸子

程門雪 朱振聲

陶可箴 錢乃振 仝參

劉佐彤 宋大仁

神志門

腎陰不足。心肝之火有餘。此離坎不交之象也。痰熱蒙蔽清竅。神不守舍。舍空而痰熱据之。痰火上炎。故徹夜不寐。痰蒙心則多疑。時聞申申之詈。脈弦滑帶數。治宜益腎陰。清心火。助入安神滌痰之品。

大麥冬 二錢

硃茯神 三錢

煨石決 一兩

淡竹油 一兩冲

川雅連 四分



炙遠志肉 一錢

生甘草 五分

金器 一具入煎

細木通 八分

紫貝齒 三錢

川貝母 三錢

鮮竹茹葉 各二錢

肝藏魂。心藏神。腎藏精。肝虛則魂不安甯。心虛則神無所依。腎虛則封藏失職。以致驚悸惕息。恍若有亡。遺洩頻頻。心腎之陰不足。君相之火有餘也。盜汗甚多。汗為心液。虛陽迫津液而外泄也。脈象軟弱。右尺虛數。肝與胆為表裏。腎與肝為乙癸。三陰既虛。君相內動。欲潛其陽。必滋其陰。王太僕云。壯水之主。以制陽光。當擬三才。合六味珍珠母丸加減。滋腎陰以柔肝木。清君相而安神志。俾得陰平陽秘。水升火降。則諸恙可愈。

北沙參 三錢

粉丹皮 二錢

珍珠母 八錢

生白芍 二錢

天麥冬 各錢半

抱茯神 三錢

青龍齒 三錢

炒棗仁 三錢

大生熟地 各三錢

淮山藥 三錢

左牡蠣 四錢

炙遠志肉 一錢

封髓丹 三錢包

金器 一具入煎

心者君主之官。神明出焉。腎者作強之官。伎巧出焉。心榮與腎水交虧。神機不



靈。作強無權。不能動作。不能思想。心悸跳躍。右耳嚮鳴。兩目羞明。腰痛痠脹。健忘胆怯。舌質光苔尖白。中後黃膩。脈象弦小而滑。痰熱乘勢內生。弦乃肝旺。小屬腎虛。滑則有痰之明證。經云。主不明。則十二官危。心病。則一身皆病矣。脈症參合。或則成損。或則為癩。欲求速愈。靜養調攝。當居其半。草木扶助。尚在其次。姑宜複方圖治。養心陰。益腎水。柔肝木。化痰熱。參以調和脾胃之品。水足。則木得涵養。脾健。則痰熱自化。

柏子仁 四錢

硃茯神 三錢

廣橘白 一錢

枸杞子 三錢

酸棗仁 三錢

水炙遠志 一錢

青龍齒 四錢

陳胆星 八分

滁菊花 二錢

潼沙苑 三錢

九節石菖蒲 八分

生熟穀芽 各三錢

冬青子 三錢

合歡皮 三錢

(不寐)

不寐已久。時輕時劇。苔薄膩。脈弦小。心體虧。心陽亢。不能下交於腎。溼痰中阻。

胃因不和。胃不和故臥不安也。擬和胃化痰。交通心腎。

生白芍二錢 硃茯神三錢 上川連一分 炒棗仁三錢 法半夏二錢

遠志肉一錢 上肉桂一分 柏子霜二錢 北秫米三錢包 炙甘草八分

鬱怒傷肝。肝胆之火內熾。痰濕中阻。胃失降和。懊懣少寐。胸痺不舒。擬溫胆湯

加減。

法半夏二錢 硃茯神三錢 珍珠母三錢 黑山梔一錢五分 北秫米三錢包

遠志肉一錢 青龍齒三錢 川貝母二錢 炒棗仁三錢 生白芍二錢

鮮竹茹一錢五分 枳實一錢同搗 廣鬱金一錢五分 合歡花一錢五分 夜交藤三錢

高年氣陰兩虧。肝陽挾痰濁上蒙。清空健忘少寐。神疲肢倦。脈象虛弦而滑。苔

薄膩。虛中夾實。最難着手。姑擬益氣陰以柔肝木。化痰濁而通神明。

太子參一錢 仙半夏二錢 白歸身二錢 稽豆衣三錢 抱茯神三錢

薄橘紅八分 生白芍二錢 炒杭菊一錢五分 炒竹茹一錢五分 遠志肉一錢



天竺黃 一錢五分 石菖蒲 八分

淡竹油 一兩

生姜汁 兩滴 同冲服

腎。陰虛難復。肝火易升。宗氣跳躍。夜夢紛紜。脈象軟小而數。擬育陰潛陽。交通心

蛤粉炒阿膠 二錢

硃茯神 三錢

珍珠母 三錢

生白芍 二錢

小生地 三錢

炙遠志 一錢

青龍齒 三錢

粉丹皮 一錢五分 川貝母 二錢

潼蒺藜 三錢

熟女貞 二錢

炒竹茹 二錢

鮮藕 一兩 切片入煎

不寐之恙。乍輕乍劇。脇痛略減。頭眩心悸。皆由陰虛不能斂陽。陽亢不入於陰也。擬柔肝潛陽和胃安神。

蛤粉炒阿膠 二錢

硃茯神 三錢

青龍齒 三錢

左牡蠣 四錢

生白芍 二錢

酸棗仁 三錢

仙半夏 二錢

炙遠志 一錢

川雅連 二分

柏子仁 三錢

北秫米 三錢 包

琥珀多寐丸 一錢 吞服



肝陽肝氣門

肝爲將軍之官。其性陰。其用陽。其發病也速。操勞過度。肝陽內動。化風上擾。痰熱隨之。清竅被蒙。神明不能自主。陡然神糊不語。牙關緊閉。四肢抽搐。脉沉似伏。良由血虧不能養肝。肝熱生風。肝主筋。肝風入筋。所以四肢抽搐。痰氣閉塞。脉道亦爲之不利也。此爲痙厥重症。肝屬剛臟。非柔不尅。當擬柔肝熄風。清神滌痰。

生白芍二錢

硃茯神三錢

鮮竹茹二錢

嫩鈎鈎三錢後下

羚羊片八分煎沖

水炙遠志一錢

天竺黃錢半

川貝母三錢

生姜汁二滴全沖煨天麻八分

石菖蒲八分

淡竹油一兩

風陽上擾。巔頂爲病。痰濕內阻。胃失降和。所以耳鳴失聰。兩目紅赤。視物模糊者。風陽之爲患也。所以頭眩泛噁者。胃氣不降。而濁陰上僭也。舌質紅苔黃。脉弦數。陰虧於下。陽浮於上。爲象顯然。治宜熄風清肝。而化痰濁。

薄荷葉 八分

煨石決 四錢

淨蕤仁 二錢

仙半夏 一錢五分

冬桑葉 三錢

炒竹茹 一錢五分

甘菊花 三錢

夏枯花 一錢五分

嫩鈎鈎 三錢後下

勞心過度。心腎不足。肝陽易升。肝氣易動。氣鬱於中。則胸膈牽痛。陽升於上。則頭眩眼花。心腎不交。則夜不安寐。腎主骨。肝主筋。肝腎血虛。失於營養。則遍體痠楚。宜調益心腎。柔肝潛陽法。

生白芍 二錢

硃茯神 三錢

煨石決 四錢

熟女貞 二錢

金鈴子 二錢

玫瑰水炒竹茹 一錢

馬料豆 三錢

紫貝齒 三錢

桑椹子 二錢

甘杞子 二錢

夜交藤 四錢

滁菊花 一錢五分
潼白蒺藜 各一錢

左金丸 包七分

盛怒後。忽然心胸大痛。喜笑不休。脉沉伏。肢冷。久鬱傷肝。肝病善怒。怒則氣上。所以心胸大痛。氣鬱化火。擾於膈中。所以喜笑不休。氣機壅塞。所以肢冷脉伏。種種見證。皆由肝病為患。木鬱則達之。宜疎肝解鬱。而理氣機。若誤為寒厥。則



殆矣。

銀花炭 三錢

金鈴子 二錢

製香附 錢半

川貝母 三錢

薄荷葉 八分

青陳皮 各一錢

上沉香 四分

大白芍 二錢

廣鬱金 錢半

白蒺藜

金器 一具入煎

蘇合香丸 一粒去壳研細末化服

脇乃肝之分野。肝氣挾痰瘀入絡。氣機不得流通。脇痛偏左。呼吸尤甚。肺司百脉之氣。宜宣肺氣以疎肝。化痰瘀而通絡。

廣鬱金 錢半

當歸鬚 二錢

延胡索 一錢

廣木香 八分

全福花 錢半包

真新絳 八分

橘紅絡 各一錢

絲瓜絡 二錢

炒竹茹 錢半

青葱管 錢半

鮮枇杷葉 四張去毛包



呃噦門

倪右

脉象左弦濇、右濡滑、舌邊紅、中薄膩。見證胸悶氣升、噦氣泛噦、食入作梗、痰多欬嗽、十餘日未更衣、月事八旬未止、良由營血虧虛、肝氣上逆、犯胃尅脾、溼痰逗留中焦、肺胃肅降失司、恙經匝月、豈能再使蔓延、急宜平肝通胃、順氣化痰、以觀動靜。

代赭石 三錢煨

左金丸 七分

括蕪皮 一錢

薤白頭 一錢酒炒 雲茯苓 三錢

水炙遠志 一錢

川象貝 各二錢

全福花 錢半包

銀柴胡 八分

炒黑荊芥 八分

姜竹茹 一錢五分

仙半夏 二錢

佛手露 一兩冲服

炒穀麥芽 各三錢

王左

濕溫伏邪、內陷少陰、引動衝氣上擊、犯胃冲肺、肅降之令無權、氣喘呃逆、身熱不揚、舌苔薄膩、脉象左關弦小而促、右濡細、跌陽虛弦而數、太谿似有似無、鄭聲神糊、時明時昧、正虛邪陷、神不守舍、顯然可見矣、厥脫之變、指願間



事。勉擬攝納衝氣。和胃安神。以爲無法之法。或有效驗。亦未可知。

靈磁石 四錢煨

硃茯神 三錢

仙半夏 二錢

柿蒂 五枚

左牡蠣 四錢

灸遠志 一錢

炒竹茹 一錢五分

刀豆壳 三錢

花龍骨 三錢

陳廣皮 一錢

吉林參 一錢五分另煎汁沖服

黑錫丹 吞服八分

余左 高年榮液本虧。肝氣易於上逆。胃失降和。昨日食後。呃逆頻頻。逾時而止。脉弦小而滑。舌光無苔。治肝宜柔。治胃宜通。姑以養陰柔肝爲主。和胃順氣佐之。

吉林參鬚 一錢

雲茯苓 三錢

刀豆壳 三錢

生白芍 一錢五分

代赭石 二錢煨

合歡花 一錢五分

仙半夏 一錢五分

陳廣皮 一錢

全福花 錢半包

柿蒂 五枚

潼白蒺藜 各一錢五分

清炙枇杷葉 二錢去毛包

